

阿鬼雲此華沙論

四十一之
四十五

C40
4514
150



9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

C40-4514

了翁上座諸大藏及有
家書置之武州紫雲山
我微庵塔院直府中永
為學者不敢許出院內
當山二世鑑牛機謹誌



B 64853

阿毗曇毗婆沙論卷第四十一

迦旃延子造

北涼沙門浮陀跋摩共道泰譯

使捷度不善品第一之七

問曰如波伽羅那說九十八使八十八是見道斷十
是修道斷此中何故說二十八是見道斷十是修道
斷耶答曰此文是了義彼文是未了義此文無餘意
彼文有餘意此文無所以彼文有所以此文是實義
諦彼文是俗諦復次波伽羅那說順次法說具縛人
非超越人此中不說順次法不說具縛人不說超越

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

人復次此中說凡夫聖人離欲聖道所作世俗道所作彼中說聖人離欲不說凡夫說聖道所作不說世俗道復次彼中說離欲界欲乃至離無所有處欲得正決定者先以世俗道斷欲界煩惱乃至無所有處彼見道斷煩惱解脫得差別作證所以者何彼解脫得以見道故而有差別以是事故彼作是說八十八是見道斷十是修道斷是故尊者瞿沙作如是說二十八使是見道斷十是修道斷何故波伽羅那作如是說八十八是見道斷十是修道斷彼作是答二十八決定是見道斷十是修道斷六十不定不定者於

見道中而有差別波伽羅那說次第故說八十八是見道斷十是修道斷此門是廣分別毗婆沙問曰何故名見道斷何故名修道斷耶如見不離修修不離見見道中如實修亦可得修道中如實見亦可得見名爲慧修名不放逸如實是何義耶答曰數數義偏重義是如實義見道中慧多不放逸少修道中不放逸多慧少復次等量義是如實義如見道中慧亦有爾許不放逸如修道中不放逸亦有爾許慧是故等量義是如實義尊者和須蜜說曰見四真諦斷諸煩惱云何分別此是見道斷此是修道斷耶答曰以見

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39

180 1 2 3 4 5 6 7 8 9

400

1

1 2 3 4 5 6 7 8 9 410 1 2 3 4 5 6 7 8 9

斷以見制伏以見吐諸煩惱故言見道斷復有說者見道所斷煩惱亦應言修道所斷所以者何見道中如實修可得故如我義以見斷以見制伏以見吐諸煩惱名見道斷何故名修道斷答曰隨所得道修行廣布斷諸生分斷其量斷其種漸使薄令究竟斷故名修道斷復有作是說者修道所斷煩惱亦可言見道斷所以者何修道中亦有如實見故如我義隨所得道修行廣布斷諸生分斷其量斷其種漸使薄令究竟斷故名修道斷此是何義耶答曰見道是猛利道若緣彼時九種煩惱一時斷修道是不猛利道數

數修習九種煩惱九時而斷譬如利鈍之刀以用割物利者一下便斷鈍者數數乃斷彼亦如是復次若以見偏多道斷者名見道斷若以修偏多道斷者名修道斷復次若以二相道斷者名見道斷二相者謂見相慧相若以三相道斷者名修道斷三相者謂見相慧相智相復次若以四相道斷者名見道斷四相者謂眼明覺慧若以五相道斷者名修道斷五相者謂眼明覺慧智復次若以忍斷者是見道斷以智斷者是修道斷復次九種結一時斷者是見道斷九種結九時斷者是修道斷復次以未知欲知根斷者是

1 2 3 4 5 6 7 8 9 180 1 2 3 4 5 6 7 8 9 160

見道斷以知根斷者是修道斷復次斷時如石裂者
是見道斷斷時如藕絲絕者是修道斷復次與發意
相違者是見道斷與方便相違者是修道斷復次與發意
會見諦而見諦斷者是見道斷已會見諦而重觀斷
者是修道斷復次以一因道斷者是見道斷以二因
道斷者是修道斷復次如力士著鎧斷者是見道斷
如無足人行斷者是修道斷復次若斷時卽彼智所
知行修道者是見道斷若斷時是餘智餘所知餘行
修是諸道斷者是修道斷復次若是向人不成就果
斷者是見道斷若是向成就果斷者是修道斷復次

若堅信堅法斷者是見道斷若信解脫見到身證斷
者是修道斷復次若初出道斷者是見道斷若數數
出道斷者是修道斷復次若斷是四沙門果攝者是
見道斷若斷或三或二或一沙門果攝者是修道斷
復次若緣無所有生者是見道斷若緣有所有生者
是修道斷復次若斷已不退者是見道斷若斷已或
退不退者是修道斷復次斷已更不縛不繫是見道
斷斷已或縛或繫是修道斷復次若斷時忍是無礙
道智是解脫道者是見道斷若斷時智是無礙道智
是解脫道者是修道斷復次若斷時智作方便道忍

9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

作無礙道智所解脫道者是見道斷若斷時智作方便無礙解脫道者是修道斷復次若先得非數滅者是見道斷或先得非數滅後得數滅或先得數滅後得非數滅或一時得數滅非數滅者是修道斷復次若斷時緣一諦道修者是見道斷若斷時緣四諦道修者是修道斷復次若斷時四行道修者是見道斷若斷時十六行道修者是修道斷復次若斷時相似道修者是見道斷若斷時相似道不相似道修者是修道斷復次若斷時若一三昧修者是見道斷若斷時若三昧修者是修道斷復次若斷時不起者是

見道斷若斷時或起或不起者是修道斷此三結幾見道斷乃至幾修道斷乃至九十八使幾見苦斷乃至幾修道斷問曰何故作此論答曰前門止說頓斷沙門意不止說一時見諦亦不明次第見諦今欲止一時見諦者意亦明次第見諦故而作此論復有說者前門止說一時見諦者意亦明次第見諦而不麤現明了今欲麤現明了止一時見諦者意亦明次第見諦故而作此論復次欲顯現五種斷煩惱及五種對治法故五種斷煩惱者謂見苦斷種乃至修道斷種五種對治法者謂苦忍苦智是見苦斷對治乃至

道忍道智是見道斷對治智是修道斷對治以如是事故而作此論此三結幾見苦斷乃至廣說答曰一見苦斷謂身見問曰何故身見唯見苦斷耶答曰緣苦生故還見苦斷復次此見緣果而生若以慧觀果時此見卽斷復次身見是顛倒性一切顛倒盡見苦斷若顛倒斷時此見卽斷所以者何同一對治故復次此煩惱麤故以初無礙道斷餘細煩惱後金剛喻定斷譬如塵垢不堅著者抖擻便墮若堅著者乃以便去若膩深入以湯煮之然後乃去彼亦如是復次淳灰多用功力然後乃淨亦如瓦器膩不深入水蕩

以此見根不深入所緣地以不深入故性劣性劣故最初無礙道斷餘煩惱根深入所緣地以後無礙道乃至金剛喻定斷譬如樹根不深入者小風吹時而便摧臥其根深入者大風吹時乃能令臥彼亦如是尊者和須密說曰何故身見唯見苦斷答曰身見緣五陰後如實見五陰時身見便斷復次此見從常想樂想淨想我想生若見無常想苦想不淨想無我想此見便斷尊者佛陀提婆說曰此見從自身生故名道斷問曰何故戒取非見集見滅斷耶答曰爲外道身見若見自身無我此見便斷戒取或見苦斷或見

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故外道所行與苦道相違不與集滅相違所以者何
外道計集如垢計滅如洗浴處爲求洗浴處故行種
種苦行行諸苦行故煩惱垢益更增染心如人爲去
垢故入濁水澡浴更增其垢彼亦如是復次因苦生
故還見苦斷因道生故還見道斷復次內道所行是見苦
見苦斷因淨生者是見道斷復次外道所行是見苦
斷外道所行是見道斷復次非因計因是見苦斷非
道計道是見道斷疑見苦集滅道斷問曰何故修道
斷中無疑耶答曰若未見其體心生猶豫已見其體
心則決定是故修道所斷無有疑三不善根三漏見

苦斷乃至修道斷總而言之五種斷或有一種二種
四種五種斷者餘門廣說如經本此門是廣說優波
提舍毗婆沙問曰何故名見道斷乃至名修道斷耶
答曰若緣決定對治決定者名見道斷若緣不決定
對治不決定者名修道斷復次若處所決定若緣決
定若對治決定者名見道斷若處所不決定緣不決
定對治不決定者名修道斷復次若以苦忍苦智作
對治乃至道忍道智作對治者名見道斷若以智對
治者名修道斷復次若見苦斷者名見苦斷若見道
斷者名見道斷若或見苦或見集或見滅或見道斷

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

者名修道斷復次若違苦者名見苦斷乃至若違道者名見道斷若違苦集滅道斷者名修道斷此三結幾是見幾非見乃至九十八使幾是見幾非見問曰何故作此論答曰或有說一切煩惱皆是見性問曰彼何故作如是說耶答曰彼作是說所行猛利是見性一切煩惱各於自分所行猛利如身見著我我所邊見著斷常邪見著無所有見取著第一戒取著淨所行猛利愛亦如是於染著處所行猛利恚增惡慢自高癡愚疑猶豫所行亦猛利爲斷如是說者意亦明煩惱有是見性有非見性故而作此論此三結幾

是見性幾非見性答曰二是見性謂身見戒取一非見性謂疑餘門廣說如經本問曰何故名見耶答曰此中應廣說如五見見處此三結幾有覺有觀幾無覺有觀幾無覺無觀乃至九十八使幾有覺有觀幾無覺有觀幾無覺無觀問曰何故作此論答曰或有說覺觀從欲界乃至有頂如譬喻者說彼何故作是說彼依佛經佛經中說心麤是覺心細是觀此麤細相從欲界乃至有頂中可得尊者佛陀提婆說曰阿毗曇者作如是說心次第相方而有麤細偏三界中然從欲界乃至梵世有覺有觀如是說者則名惡說

9 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

汝等作如是說麤心是覺細心是觀此麤心細心乃至有頂可得然說覺觀從欲界乃至楚世中有是故汝等所說是惡說非善說惡受持非善受持阿毗曇人作如是說我等所說是善說善受持非惡受持所以者何我以種種事故說麤細相非以一事如說纏麤使細是中不說覺麤觀細所以者何此二法非覺觀相故如說色陰是麤四陰是細如是則說覺之與觀俱是細法所以者何同行陰攝故如說欲界是麤初禪是細如是亦說覺觀是麤是細所以者何欲界初禪俱有覺觀故如說初禪地麤二禪地細如是則

說覺觀是麤所以者何初禪地上更無覺觀故問曰彼說初禪地上有覺觀者云何復說三地差別答曰彼作是說欲界初禪乃至非想非非想處有三種法謂善染汙不隱沒無記欲界初禪善法不隱沒無記法三界染汙法是名有覺有觀地禪中間善不隱沒無記法是名無覺有觀地第二禪已上乃至非想非非想處善法不隱沒無記法是名無覺無觀地問曰若然者彼云何通佛經如經說滅於覺觀定生喜樂入第二禪彼作是答滅善覺觀非染汙問曰若然者爲因何事滅善覺觀非染汙耶法應先滅染汙後離

地時乃滅於善但譬喻者說上地有覺觀當知此說是無明果闇果不勤方便果然覺觀欲界初禪中有故欲止他義乃至廣說而作此論此三結幾有覺有觀幾無覺有觀幾無覺無觀答曰三結有三種或有覺有觀或無覺有觀或無覺無觀云何有覺有觀答曰在欲界初禪者云何無覺有觀答曰在禪中間者云何無覺無觀答曰在三禪及四無色者餘門廣說如經本問曰何故名有覺有觀何故名無覺有觀何故名無覺無觀耶答曰與覺俱觀俱與覺相應觀相應無覺觀俱現在前是名有覺有觀若不與覺俱但

與觀俱不與覺相應與觀相應已滅覺與觀俱現在前是名無覺有觀若不與覺觀俱亦不與覺觀相應已滅覺觀是名無覺無觀復次若種種數若種種觀是名有覺有觀若種觀不種數是名無覺有觀若不種數不種觀是名無覺無觀此三結幾樂根相應幾苦根相應幾喜根相應幾憂根相應幾捨根相應乃至九十八使亦如是問曰何故作此論答曰或有說法生時次第生不一時生如譬喻者尊者佛陀提婆作如是說法生時次第生不一時生猶如多伴經過狹道次第而行不得一時若欲二人併行此猶爲難

9 10 11 12 13 14 15 16 17 18 19

180 1 2 3 4 5 6 7 8 9

190 1 2 3 4 5 6 7 8 9

何況多人如是一切有爲法各各從生相生何緣衆
多生法共一時生阿毗曇著作如是說有爲法自有
一法和合而生自有多法和合而生一法和合生者
於一剎那頃生故名一法和合生多法和合生者如
一一數法各有一生雖多不相離故名多法和合生
復次所以作論者或有說展轉相因力義是相應義
彼作是說若法與彼法相因力生者是相應義如心
因心力故生心與心相應數法因心力故生數法與
心相應數法因數法力故生數法與數法相應心不
因數法力生故心不與數法相應爲止如是說者意

亦明心與數法相應數法亦與數法相應數法與心
相應心不與心相應故而作此論復次所以作論者
或有說自體與自體相應不與他相應彼作是說等
相敬義是相應義諸法相敬莫過敬自體者爲止如
是說者意亦明與他法相應義故而作此論復次所
以作論者或有說自體於自體不名相應不名不相
應不名相應者一切諸法不能與自體作緣不名不相
應者等相敬義是相應義所以者何諸法相敬莫
過敬自體者爲止如是說者意亦明不亂相應法是
故爲止他義欲顯已義乃至廣說此三結幾樂根相

應幾苦根相應幾喜根相應幾憂根相應幾捨根相應問曰何故但問與受相應不問與餘數法耶答曰彼作經者意欲爾乃至廣說復次受不妨成就妨現前行云何不妨成就如一人成就五受云何妨現前行無有二受一時現前行復次以受一體體有諸根相故復次以受於緣起論中猶如車轂法故復次以受受入一切法故復次若不問受更問何耶若問命等八根彼一向是不相應法若問三無漏根信等五根彼一向是善若作是說何不問意根者以意根故名相應法如以心故名心相應法身見戒取與三根

相應除苦根憂根所以除苦根者苦根在五識地此是意地所以不與憂根相應者憂根是憂惑行此是欣踊行總而言之與三根相應此在三界在欲界初禪二禪者與二根相應謂喜根捨根在第三禪與二根相應謂樂根捨根在第四禪及四無色與一根相應謂捨根是故總而言之與三根相應除苦根憂根疑與四根相應除苦根不與苦根相應者以苦根在五識地總而言之與四根相應疑在三界在欲界者與二根相應謂憂根捨根若在初禪二禪者與二根相應謂喜根捨根在第三禪者與二根相應謂樂根

9 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

捨根在第四禪及四無色與一根相應謂捨根是故總而言之與四根相應問曰何故欲界疑不與喜根相應初禪二禪則與相應答曰欲界疑喜所行各異故疑所行非喜所行喜所行非疑所行所以者何疑行憂惑喜行欣踊同義是相應義彼不同故不與相應初禪二禪俱行欣踊行故相應復次欲界喜麤疑細麤法不與細法相應所以者何等義是相應義故問曰喜有何麤義耶答曰衆生不應起而起於前物不應起而起云何衆生不應起而起衆生性是苦故云何於前物不應起而起見他人若顛若墮若謬誤

應起慈愍而更大笑在初禪二禪者俱微細故相應復次欲界喜輕躁疑居重輕躁不與居重相應所以者何等義是相應義初禪二禪地二俱居重是故相應復次欲界喜從外法生疑從內法生從外生法不與從內生法相應所以者何等義是相應義初禪二禪俱從內生是故相應復次欲界喜是客疑是舊住客不與舊住相應所以者何等義是相應義初禪二禪俱是舊住是故相應復次欲界疑雖不與喜根相應與餘受相應初禪二禪喜是地性受若不與喜根相應者此則名無受心聚壞相依法壞相應法欲令

無如是過故欲界疑不與喜根相應初禪二禪疑與喜根相應貪與三根相應除苦根憂根所以者何貪行欣踊憂苦行憂惑恚與三根相應除喜根樂根所以者何恚行憂惑喜樂行欣踊癡欲漏無明漏與五根相應所以者何此三通六識身所行欣踊亦行憂惑故有漏與三根相應除苦根憂根所以者何色無色界無憂苦故色無色界無憂苦義根犍度中當廣說除邪見餘門義如經本說邪見與四根相應除苦根總而言之邪見與四根相應然邪見在三界在欲界者與三根相應除苦根樂根在初禪二禪者與二

根相應謂喜根捨根在第三禪者與二根相應謂樂根捨根在第四禪及無色定與一根相應謂捨根問曰欲界邪見何者與喜根相應何者與憂根相應答曰有人本性不好布施不好祠祀後若與邪見外道共會一處而聞是語無施無祠祀無善惡業報聞是語時心生信樂便生喜心我所行善好如是邪見與喜根相應有人性好行施祠祀後若與邪見外道共會一處聞作是說無施無祠祀無善惡業報聞是語時心生信樂便生憂心我等所施便爲唐捐所以者何無果報故如是邪見與憂根相應此門是廣說優

經

阿彌陀經疏卷第十一

古

東

波提舍毗婆沙問曰何故名相應相應義如雜健度
相應因廣說此三結幾欲界繫幾色界繫幾無色界
繫問曰何故作此論答曰或有說嫉慳在欲界楚世
彼何故作如是說答曰彼依佛經佛經說梵天王語
諸梵衆我等皆共住此不往詣沙門瞿曇所而於此
處自能至老死彼作是說梵王以嫉慳故而作是言
爲止如是說者意亦明嫉慳唯在欲界故而作此論
三結或欲界繫或色界繫或無色界繫此門義廣說
如經本問曰何故名欲界繫何故名色界繫無色界
繫答曰縛欲界法故名欲界繫縛色無色界法故名
色無色界繫如牛繫著柱名柱繫牛彼亦如是復次
欲界足爲欲界法所繫故名欲界繫色無色界足爲
色無色界法所繫故名色無色界繫是名煩惱如偈
說

佛有無量行 無足誰將去

如人有足則得自在四方遊行如是有煩惱足者則
能行於諸趣諸生死中復次煩惱於欲界作居處想
我有想故名欲界繫色無色界煩惱於色無色界作
居處想我有想故名色無色界繫居處是愛我有是
見以欲界愛潤故見計我我所以色無色界愛潤故

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

見計我我所復次能生欲界樂欲故名欲界繫能生
色無色界樂欲故名色無色界繫樂是愛欲是見復
次爲欲界生死法所繫故名欲界繫爲色無色界生
死法所繫故名色無色界繫復次爲欲界垢所汙毒
所害患所過故名欲界繫爲色無色界垢所汙毒所
害患所過故名色無色界繫

阿毗曇毗婆沙論卷第四十一

音釋

數數並作頻
頻也 鈍徒困切 鐙可亥切 抖擞抖當口切
抖擗舉 狹道狹胡夾切 狹道狭隘之路也 軺古祿切 輸幅所
振之貌 誤誤謂不安靜也 唐捐捐音員
也 唐捐唐捐徒

嘉興府楞嚴寺般若堂經坊利息助刻此
阿毘曇毘婆沙論第四十一卷以資智慧計字
五千九百七十五個該銀二兩六錢八分六厘
天啓丁卯歲仲冬月金沙顧龍山識

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

阿毗曇毗婆沙論卷第四十二

迦旃延子造

北涼沙門浮陀跋摩共道泰譯

使犍度不善品第一之八

諸結是欲界彼結在欲界耶是有六種一界是二趣
是三人是四入是五漏是六自身是界是者如此中
說諸結是欲界彼結在欲界耶此中說法處名是欲
界法名欲界是色無色界法名色無色界是趣是者
如說法法施時而作是言一切是五趣衆盡生死苦
人是者如毗尼說是二人在僧數中僧中可得入是

者如波伽羅那說云何色陰十色入及法入中色是漏是者如說云何漏法有漏法是身是者如四大犍度說云何內法答曰自身是於六是中以界是而作論不以餘是在有四種一自體在二器在三所行在四處所在自體在者一切諸法自體自相自性在自分中器在者如果在器中如提婆達多在舍中如器在所行在處所在義亦爾此中以四在而作論隨相而說諸結是欲界彼結在欲界耶答曰或結是欲界彼結不在欲界或結在欲界彼結不是欲界或結是欲界彼結亦在欲界或結不是欲界彼結不在欲界

云何結是欲界彼結不在欲界耶答曰爲纏所纏魔波旬住梵天上欲與如來語言問曰魔波旬爲何纏所纏欲與如來語言耶答曰爲忿纏所覆故欲與如來語言復有說者爲嫉纏所覆故欲與如來語言復有說者爲慳纏所覆故欲與如來語言許曰應作是說爲十纏所覆起一一纏現在前欲與如來語言問曰何故名魔答曰斷慧命故名魔復次常行放逸而害自身故名魔何故名波旬答曰常有惡意成就惡法成就惡慧故名波旬尊者瞿沙說曰應言波旬踰所以者何從波旬踰生彼中故住梵天上欲與如來

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

語言問曰魔王住梵天上何所爲耶答曰梵天諸魔經是此論本緣曾聞佛住舍衛國給孤獨精舍祇陀林中爾時有一梵天於梵天上生如是惡見而作是言此處是常不斷棄出寂滅之法更無有常不斷棄出寂滅之法勝此處者爾時世尊知彼梵天心之所念譬如壯夫屈伸臂頃從祇陀林忽然不現至梵天上去梵天不遠而住其邊爾時梵天遙見如來卽便請之而白佛言善來大仙此處是常不斷棄出寂滅更無有常勝此處者而汝能捨欲界煩惱亂種種苦事而來此間甚是快事汝可於此安樂常住爾時如

來告梵天言此處非常而汝說常此處非是安樂寂靜棄出之處而汝說是安樂寂靜棄出之處汝爲無明所覆故作如是說汝應憶念過去諸梵墮欲界者如華菓落爾時梵天復白佛言善來大仙此處常樂廣說如上第二第三亦如是說爾時如來亦第二第三告梵天言此處無常乃至廣說無明覆汝應憶念過去諸梵墮欲界者如華菓落爾時梵天作是念今者如來難可親近難共語論然諸梵法在離欲地志意閑靜不能與佛競於言論復作是念魔王波旬常與如來共相違逆必能與佛競於言論是時梵王卽

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

致波旬到梵天上化作欲界地而以安止爾時梵王復白佛言大仙當知此處是常乃至更無勝者爾時如來復告梵王此處無常廣說如上爾時波旬白佛言大仙汝莫違逆梵王所說隨其教勅當奉行之汝若違逆梵王言者猶如有人功德天神來入其舍以杖駁之我不須汝汝若違逆梵王之言亦復如是亦如有人從高轉墮若其不以手足自御復當更墮如人墮樹不堅執枝則受苦痛若堅執枝不受苦痛如是大仙汝莫違逆梵王之言如其所說當奉行之復白佛言大仙今者不見梵衆及與我等圍遶梵王隨

順梵王不違其言耶爾時世尊便作是念今者惡魔來留難我知是事已卽告魔言汝非梵王亦非梵王眷屬所言惡魔留難我者汝身是也爾時波旬便作是念沙門瞿曇今者已知我心所念心懷恐怖生厭離意在一面坐而不能還爾時梵王以神足力能令波旬還自在宮是故彼經即是此論本緣亦爲纏所纏色界命終生欲界中陰凡夫人色界命終當生欲界欲界中陰在色界中而現在前所以者何法應如是死陰滅處卽生中陰猶如種子滅處必生萌芽彼亦如是從死陰至中陰時欲界二十六使若一現在

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

前令生相續是名結是欲界彼結不在欲界此中是者是界是在者除自體在是餘三在云何結在欲界彼結不是欲界爲纏所纏欲界命終生色界中陰凡夫聖人欲界命終生色界中色界中陰在欲界中所以者何法應如是死陰滅處卽生中陰猶種子滅處卽生萌芽彼亦如是凡夫人從死陰至中陰時色界三十使若一現在前令生相續聖人從死陰至中陰時色界修道所斷三使若一現在前令生相續亦結是色無色界往欲界現在前住欲界不死不命終色無色界結現在前凡夫三十一使若一現在前聖

人修道所斷三使若一現在前如是等說因愛行者因慢行禪者因見行禪者因疑行禪者是名結在欲界彼結不是欲界在者是三在是者是界是云何結是欲界亦在欲界爲纏所纏凡夫聖人欲界命終還生欲界中陰凡夫人生五趣無礙聖人生二趣無礙若生天中若生人中凡夫人從死陰至中陰時三十六使若一現在前令生相續聖人從死陰至中陰時欲界修道所斷四使若一現在前令生相續如從死陰至中陰從中陰至生陰說亦如是亦結是欲界住欲界現在前住欲界不死不命終起欲界結現在

前凡夫人三十六使若一現在前聖人欲界修道所
 斷四使若一現在前是名結是欲界亦在欲界此中
 是者是界是在者是四在云何結不是欲界亦不在
 欲界爲纏所纏色界命終生色界中陰生陰中色界
 命終生色界中者是凡夫聖人凡夫人亦生上亦生
 下一一處有多生分聖人生上不生下一處有一
 生分凡夫人從死陰至中陰時三十一使若一現在
 前令生相續聖人修道所斷三使若一現在前令生
 相續從中陰至生陰說亦如是色界命終生無色界
 中亦是凡夫聖人凡夫人一一處有多生分聖人一

170 1 2 3 4 5 6 7 8 9

180

190

1 2 3 4 5 6 7 8 9

者因見行禪者因疑行禪者住無色界不死不命終起無色界三十一使現在前亦是凡夫聖人凡夫人起三十一使現在前聖人三使是名結不是欲界亦不在欲界所以者何在色無色界故是者是界是在者是四在諸結是色界亦在色界耶乃至廣作四句前四句初句作此第二句前第二句作此初句前第三句作此第四句前第四句作此第三句諸結是無色界亦在無色界耶答曰諸結在無色界彼結亦是無色界所以者何無色界唯有無色界繫結故頗有結是無色界不在無色界耶答曰有是無色界結住

欲色界現在前不死不命終無色界結現在前亦是凡夫聖人凡夫人起無色界三十一使現在前聖人三使如是等因愛因慢因見因疑行禪者是名結是無色界是者是界是不在無色界所以者何在色界故在者除自體在是餘三在諸結非是欲界亦非在欲界耶乃至廣作四句前四句初句作此第二句前第二句作此初句前第三句作此第四句前第四句作此第三句諸結非是色界彼結亦非在色界耶乃至廣作四句如欲界說諸結非是無色界彼結亦非在無色界耶答曰諸結非是無色界彼結亦非在

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無色界頗結非在無色界彼結非不是無色界耶答曰有諸結非不是無色界住欲色界現在前住欲色界不死不命終起無色界結現在前亦是凡夫亦是聖人凡夫人起三十一使現在前聖人三使此結非在無色界中所以者何在欲色界故在者二在除身體在非不是無色界所以者何是無色界結故是者是界是問曰何故彼尊者立非句而作論耶答曰彼作經者意欲爾乃至廣說復次欲現言論自在故若人於言論自在者則能以非句而作論於言論不自在者於正句猶不能作何況非句耶復次欲生弟子

覺意故若以非句作論則生弟子覺意說法相此亦可爾彼亦可爾復次或有作非句而得長養者如人品中作正句彼人有四彼人有三彼人有一作非句彼人有五彼人有六彼人有四以是事故彼尊者以非句而作論見諦具足世尊弟子若色不斷爲色所繫耶設爲色所繫色不斷耶乃至識亦如是問曰何故作此論答曰或有說斷色有次第斷分齊斷段段斷如外國法師作是說如染汙心心數法九種斷色亦如是爲斷如是說者意故亦明染汙心心數法九種斷色善有漏不隱沒無記心心數法於最後無礙

9 1 2 3 4 5 6 7 8 9 180 1 2 3 4 5 6 7 8 9 180

190 1 2 3 4 5 6 7 8 9 190

道一時斷故而作此論問曰何故染汙心心數法九種斷色善有漏不隱沒無記心心數法最後無礙道一時斷耶答曰以明無明常相妨下下明斷上上無明下中斷上中下斷上下中下斷中上中中斷中中上斷中下上下斷下上上中斷下中上上斷下下色善有漏不隱沒無記法不妨明不妨無明但爲明無明作所依處立足處如燈明不與炷油器相妨與闇相妨但炷油器爲燈明作所依處立足處如是色善有漏不隱沒無記法不與明無明相妨而與明無明作所依處立足處復次染汙心心數法隨幾種

斷不成就彼種色是染汙者住方便道時節不成就最後無礙道斷色是善不隱沒無記者及餘善有漏不隱沒無記有爲法悉於最後無礙道一時斷此諸法雖已知已斷離三界欲猶故成就是故爲止他義欲顯已義乃至廣說而作此論見諦具足世尊弟子色愛未斷乃至廣說問曰爲避何事說見諦具足爲制何事說世尊弟子答曰見諦具足爲避堅信堅法人世尊弟子爲制愚小凡夫問曰何故堅信堅法人不名見諦具足耶答曰若具足見四真諦永斷邪見是名見諦具足堅信堅法人見諦未具足而當具足

未永斷邪見而當永斷復次若身中無四種無明愚
闇有四種智名見諦具足堅信堅法人未捨四種無
明愚闇未具四種智故復次若裂四種猶豫疑網生
四種決定者是見諦具足堅信堅法人未裂四種猶
豫疑網亦未具足四種決定故復次若身中無如霜
雹煩惱邪見顛倒及諸惡行者名見諦具足堅信堅
法人無是事故不名見諦具足猶如苗稼無諸霜雹
名爲具足彼亦如是復次若能降伏四諦方土是名
見諦具足堅信堅法未能降伏四諦方土故名不具
足問曰何故凡夫不名世尊弟子耶答曰若聞佛所

說於四諦三寶心無有異凡夫不爾或信佛語或信
外道語復次若不事餘天唯事於佛是名世尊弟子
凡夫人或事於佛或事自在天等復次若於佛有不
壞信是名世尊弟子凡夫人無於佛不壞信故不名
世尊弟子復次若於佛法心不移動猶如門闇者是
名世尊弟子凡夫輕躁猶如樹華復次若有所聞不
爲邪聞所壞是名世尊弟子凡夫若有所聞則爲邪
聞所壞問曰此中誰是見諦具足世尊弟子耶答曰
須陀洹斯陀含阿那含阿羅漢見諦具足世尊弟子
若色不斷爲色所繫色若斷卽時解脫若解脫卽時

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

斷若先斷後得解脫無有是事染汙心心數法或有先斷後得解脫者或有俱斷亦解脫者染汙心有九種下下乃至上上前八種先斷後得解脫後一種亦斷亦得解脫若上上斷餘八種有緣縛乃至第八種斷下下種緣縛八種所以者何盡是一使展轉相使故如是等說是略毗婆沙見諦具足世尊弟子若色未斷爲色所繫耶答曰如是設爲色所繫色不斷耶答曰如是所以者何先作是說色法若斷卽時解脫若解脫卽時斷若先斷後解脫者無有是事須陀洹斯陀含五地色不斷爲色所繫未離初禪欲阿那含

四地色不斷爲色所繫乃至離第三禪欲阿那含未離第四禪欲一地色不斷爲色所繫見諦具足世尊弟子若受不斷爲受所繫耶答曰若爲受所繫彼受不斷須陀洹斯陀含三界修道所斷受不斷爲受所縛未離初禪欲阿那含八地受不斷爲受所縛乃至離無所有處欲阿那含一地受不斷爲受所繫頗爲受所縛彼受非不斷耶答曰有家家斯陀含一種子彼欲界修道所斷上中結彼結相應受爲下下結所縛家家若斷三種若斷四種如彼結斷彼相應受亦斷彼相應受若爲五若六種結所縛斯陀含已斷六

種結如彼結斷相應受亦斷彼相應受爲三種結所
縛一種子若斷七種八種結如彼結斷彼相應受亦
斷彼相應受爲一種若二種結所繫如受想行識說
亦如是見諦具足世尊弟子若色已斷彼色不繫耶
答曰如是若色不繫彼色斷耶答曰如是所以者何
先作是說若色斷卽時解脫若色解脫卽時斷若先
斷後解脫無有是事離色愛聖人斷五地色彼色不
繫離三禪欲未離第四禪欲阿那含四地色斷彼色
不繫乃至未離初禪欲阿那含一地色斷彼色不繫
見諦具足世尊弟子若受已斷彼受不繫耶答曰若

受不繫彼受已斷阿羅漢三界見道修道所斷受已
斷不繫離無所有處欲阿那含三界見道所斷八地
修道所斷受斷亦不繫乃至未離初禪欲阿那含三
界見道所斷一地修道所斷受斷亦不繫須陀洹斯
陀含三界見道所斷受斷亦不繫頗有斷非不繫耶
答曰有家家斯陀含一種子欲界繫修道所斷上中
結斷彼所斷結相應受爲下結所繫家家若斷三種
若斷四種結如彼結斷受亦斷彼相應受若爲五種
若六種結所繫斯陀含斷六種結如彼結斷受亦斷
彼相應受爲三種結所繫一種子若斷七種若八種

結如彼結斷受亦斷彼相應受若爲一種若二種結所繫如受想行識說亦如是問曰家家須陀洹所不攝須陀洹斷上上上中結者爲下若七若八種結所繫此中何以不說耶答曰應說而不說者當知此說有餘復次此是壞相不定故不說若是不壞是定相者此中則說問曰如色無色界結亦可爾如離初禪上上結爲八種結所繫乃至八種結斷爲一種結所繫乃至非想非非想處結斷亦如是何以但說欲界結不說色無色界耶答曰應說而不說者當知此說有餘復次此現初義若說欲界當知說色無色界亦

爾復次以欲界結斷時生種種人名若斷三種四種名家家若斷六種名斯陀含若斷七八名一種子離色無色結更無如是異人名故是以不說問曰下結斷亦可爾如下上煩惱斷爲下中下下結所縛若下上上中結斷爲下下結所縛何以但說上中不說下耶答曰應說而不說者當知此說有餘如上上結斷爲下八種結所縛若斷二種爲七種所縛如是一種斷皆爲下所縛但不能一一作文是故略說家家是須陀洹差別一種子是斯陀含差別家家者若在二家若在三家二家者斷四種結餘有二有種子三

9 10 11 12 13 14 15 16 17 18 19

180 1 2 3 4 5 6 7 8 9

190 1 2 3 4 5 6 7 8 9

家者斷三種結餘有三有種子家家無有斷五種結者所以者何若能斷五種必斷第六種得斯陀含果所以者何第六種結性羸劣不能障礙留難斯陀含果猶如一線不能制象彼亦如是一種子斷若七若八種結餘有一種子問曰餘有二種結在何以言一有種子耶答曰不以一種結在名一種予以有一有種子故名一種子復有說者無有盡八種結一種子者所以者何若斷八種結必得離欲界九種結不能障礙留難離欲法故復有說者有斷八種結一種子者無有說斷五種家家須陀洹所以者何若斷五種

必斷六種得斯陀含第六種結性羸劣不能障礙留難斯陀含果問曰第九種結亦性羸劣不能障礙留難若一種子能斷第八種者亦能斷第九種而得離欲答曰家家須陀洹若斷六種結猶在欲界中生所有決定已熟業應於欲界而受報者不能障礙留難斯陀含果一種子斷九種結更無欲界生分所有決定已熟業應於欲界而受報者能障礙留難不得離欲作如是說者衆生有三時煩惱業能極障礙留難一頂向忍時二聖人離欲界欲時三得阿羅漢果時頂向忍時者諸惡趣決定業極爲障礙留難若起忍

者我等於誰身中而受報耶聖人離欲界欲時者欲界決定諸業應受報者極作障礙留難若離欲者我等於誰身中而受報耶得阿羅漢果時決定應受未來有業極作障礙留難若得阿羅漢果我等於誰身中而受報耶是故有斷八種結是一種子者無有斷五種是家家須陀洹家家有二種有人中家家天中家家天中家家者天上若二生若三生若一天中若二天中若三天中或一天中一家二家三家人中家家者若二生三生分或一天下或二天下或三天下若一天下或一家二家三家中生一種子天中一種

子者天中有一生分人中一種子者人中有一生分以三事故名家家一以業二以根三以斷結以業者或造二生業報或造三生業報以根者得無漏根故斷結者若斷三種若斷四種結於此三事不具一事不名家家以三事故名一種子一以業二以根三以斷結以業者造一生業報以根者得無漏根故斷結者若斷七種若斷八種結於此三事不具者不名一種子問曰聖人住欲界受身造業不耶答曰或有說者不造所以者何以欲界多過患故雖不作受身造業而作受身漏業問曰若聖人不作欲界受身造業

1 2 3 4 5 6 7 8 9 10 11 12 13 14 15 16 17 18 19

1 2 3 4 5 6 7 8 9 10 11 12 13 14 15 16 17 18 19

1 2 3 4 5 6 7 8 9 10 11 12 13 14 15 16 17 18 19

1 2 3 4 5 6 7 8 9

者此云何通如說爾時世尊讚說彌勒成佛時事會中有未離欲學人聞說是已皆共立願使我聞見此好妙事已然後乃般涅槃答曰此須臾時於所須物無所乏少不爲苦痛所逼而有所願求若爲苦痛所逼於一切生處更無願求我若能如鳥飛於空者即於今日而般涅槃若作是說聖人不作欲界受身造業者彼作是說彼家家若一生三生造業於凡夫時造若斷三種四種結或凡夫時斷或聖人時斷一種子有一生分業亦凡夫時造彼若斷七種八種結或凡夫時斷或聖人時斷復有說者聖人住欲界受身

處造業聖人所造者清淨妙好無諸苦患隨順善法者作是說聖人住欲界受身處造業者家家須陀洹造二生若三生必受報業此業或凡夫時造或聖人時造斷若三若四種結或凡夫時斷或聖人時斷一種子造一生必受報業此業或凡夫時造或聖人時造斷若七若八種結或凡夫時斷或聖人時斷

問曰若人中得須陀洹斯陀含果命終已生欲界天中得阿那含果彼命終已爲生色無色界中不耶若生者增一經說云何通如說有五人此間種子此間畢竟五人者一受七有人二家家人三斯陀含人四

9 10 11 12 13 14 15 16 17 18 19

180 1

190 1

一種子人五現法般涅槃人此間種子者此間得正決定此間畢竟者此間盡漏復有五人此間種子彼間畢竟一中般涅槃二生般涅槃三有行般涅槃四無行般涅槃五上流般涅槃此間種子者此間得正決定彼間畢竟者彼間得盡漏若不生者帝釋所問經云何通如偈說

若知於此法俱生梵世中於諸梵中勝

威德最在前

卽此經說復云何通如帝釋白佛言世尊如我所行正行若有爲我重解說者我當勝進得阿羅漢果能

盡苦際我所行正行若無有人爲我說者我必生妙色摩尼摩天中諸根具足無有缺減亦不甲陋有清淨色以受樂爲食身出光明飛行虛空壽命長遠於此命終當生如是天中答曰或有說者如此聖人不生色無色界中問曰若然者增一經善通如說有五種人此間種子此間畢竟帝釋所問經云何通如偈說若知於此法乃至廣說答曰此所說者不說死亦不說生何以知之會聞釋女瞿夷有三比丘常入其舍以清淨音聲爲其唄唱亦數數爲說法要爾時瞿夷以聞法故心生欣樂厭患女身願男子身命終

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

之後生三十三天爲帝釋子時彼諸天卽爲立字稱瞿夷天子時三比丘以自愛音聲故生於下處乾闥婆中乾闥婆是諸天作樂神也朝夕常爲諸天作樂爾時瞿夷天子見便識之而語之言我因汝等生信樂心厭患女身成男子身命終之後今得生此爲帝釋子汝等淨修無上梵行何緣生此卑下乾闥婆中時乾闥婆聞天子言心生厭離得離欲愛二以神足力往梵天中一猶住此以是事故知其不死亦復不生復有說者彼二此間死生彼中本於人中得達分善根聞瞿夷天子所言心生厭患得正決定後離欲

愛得阿那含果命終之後生梵世中雖死雖生非本人中得須陀洹斯陀含者問曰若然者帝釋所問經第二說云何通如說我所行正行乃至廣說答曰帝釋雖當得道果以不知阿毗曇相義故作如是說問曰卽於佛前而作是說佛何以不呵之耶答曰佛知此說不能障道後入法時自當知之復有說者如此聖人生色無色界問曰若然者帝釋所說經善通增一經云何通答曰聖人不定或有轉行有不轉行若轉行者如帝釋問經說不轉行者如增一經說是則二經俱通評曰如此聖人不生色無色界所以者何

聖人易世必有三事一不退二不轉根三不生色無
色界所以者何聖道於彼身中以是舊住故

阿毗曇毗婆沙論卷第四十二

音釋

評蒲明切波旬踰梵語也此云駁音區分齊問切
齊才詣切分電弱角切稼古計切禾闡苦本切羸
劣羸倫爲切瘦也摩菟摩梵語天名也唄滿拜切
阿毘曇毘婆沙論第四十二卷以資慧智計字
七千零九十一個該銀三兩一錢九分
天啓丁卯歲仲冬月金沙顧龍山識

阿毗曇毗婆沙論卷第四十三

迦旃延子造

北涼沙門浮陀跋摩共道泰譯

使健度不善品第一之九

五人堅信堅法信解脫見到身證堅信人於此三結
幾成就幾不成就乃至九十八使幾成就幾不成就
乃至身證於此三結幾成就幾不成就乃至九十八
使幾成就幾不成就問曰何故彼尊者於使健度中
因五人而作論智定健度中因七人而作論耶答曰
彼作經者意欲爾乃至廣說復次此使健度因有使

人而作論智定犍度因有使無使人但有智定者而作論有結說亦如是復次彼尊者以人爲章以煩惱爲門慧解脫俱解脫人無結故不立門智定犍度以人爲章以智定爲門慧解脫俱解脫人有智定故而立門以是事故彼尊者於使犍度中因五人而作論智定犍度中因七人而作論七人堅信堅法解脫見到身證慧解脫俱解脫云何堅信人猶如有二多敬多信多淨多愛多隨所聞而解了不好多思不多量若聞佛及佛弟子說法教授爲說苦空無常無我彼

作是念能爲我說苦空無常無我甚是快事我應修行苦空無常無我彼修行苦空無常無我時能生世
第一法次生苦法忍知欲界諸行是苦空無常無我乃至未生道比智是名堅信人堅信人或是證須陀
洹果向或是證斯陀含果向或是證阿那含果向若是具縛若斷五種結得正決定在見道十五心頃是
證須陀洹果向人若斷六種結乃至斷八種結得正
決定在見道中十五心頃是證斯陀含果向人離欲
界欲乃至離無所有處欲得正決定在見道中十五
心頃是證阿那含果向人云何堅法人猶如有一性

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

好多思多量多察多選擇不好多信乃至不好隨所聞而解了以性好多思乃至多選擇故若聞佛及佛弟子說法教授乃至廣說如堅信人是名堅法人云何信解脫人卽彼堅信人得道比智捨堅信名得信解脫名問曰爲捨何等耶答曰捨名得名捨道者捨堅信名得名者得信解脫名捨道者捨見道得道者得修道信解脫人或是須陀洹或是斯陀舍向或是斯陀舍或是阿那舍向或是阿那舍或是阿羅漢向住須陀洹果更不勝進名須陀洹若勝進名斯陀舍向住斯陀舍果不勝進名斯陀舍若勝進

名阿那舍向若住阿那舍果不勝進名阿那舍若勝進名阿羅漢向云何見到人堅法人得道比智捨堅法名得見到名問曰爲捨何等得何等耶答曰捨名得名捨道得道乃至廣說如信解脫人云何身證人答曰若人以身證入解脫非以慧盡餘漏是名身證人云何慧解脫人若人不以身證入解脫以慧斷餘漏是名慧解脫人云何俱解脫人答曰若人以身證入解脫以慧盡餘漏是名俱解脫人問曰何以名俱解脫耶答曰煩惱障是一分解脫障是一分斷此二障名俱解脫問曰若得阿羅漢後得滅盡定離於解

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

脫障時有漏心得解脫耶無漏心得解脫耶答曰或有說者有漏心得解脫所以者何無心定時得解脫評曰應作是說有漏無漏心得解脫所以者何身得解脫世得解脫若不得滅定時出定入定心於彼身不行若於彼身不行於世亦不行若得滅定時入定出定心則於身中行以於身中行故於世亦行如說俱解脫人義餘人義亦應說問曰何故名堅信人答曰此人依信生信依有漏信生無漏信依縛信生解脫信依繫信生不繫信如是等人本性多信若一語言男子汝應田作可以自活彼聞是語而不思惟應

作不應作能作不能作有宜便無宜便聞已便作若復語言男子汝應商估學習兵法親近王者學書算數以此業自活彼不思惟應作不應作能作不能作有宜便無宜便聞已便作若復語言男子汝應出家彼不思惟我應出家不應出家爲有宜便爲無宜便爲作守護梵行爲不能守護梵行聞是語已卽便出家旣出家已若復語言比丘汝應勸化彼不思惟我於勸化有力耶無力耶能辦不能辦耶聞已便作若復語言比丘汝應學誦習彼不思惟我爲能辦誦習爲不能辦耶爲當誦習修多羅毗尼阿毗曇耶聞已

9 10 11 12 13 14 15 16 17 18 19 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

經

附錄卷之三

四

東三

誦習若復語言比丘汝應住阿練若處習阿練若法亦不思惟能與不能聞已便作以是因緣轉近聖道彼於後時生世第一法次生苦法恐乃至未得道比智於見道十五心頃是名堅信人問曰何故名堅法人答曰此人因法生法因世法生出世法因有漏法生無漏法因縛法生不縛法如是等人本性好思量若有人語言男子汝應田作可以自活彼便思量我能不能爲有宜便爲無宜便廣說如堅信人皆悉思量以是因緣轉近聖道彼於後時生世第一法次生苦法恐乃至未生道比智於見道十五心頃是名堅

法人問曰堅信人有爾許信亦有爾許慧堅法人有爾許慧亦有爾許信何故一名堅信一名堅法耶答曰或信他言入聖道或有內自思惟入聖道若信他言入聖道者名堅信若內自思惟入聖道者名堅法復次或有以定入聖道或有以慧入聖道若以定入聖道者名堅信若以慧入聖道者名堅法如以定以慧定多慧多樂定樂慧鈍根利根從他聞法力依內思惟力親近善知識聞於正法內自思惟如法修行先以定修心後得慧解脫先以慧修心後得定解脫或有得内心定不得慧或有得慧不得内心定無貪

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

偏多無疑偏多說亦如是問可故名信解脫答曰以信觀信從信得信以信觀信者以見道信觀修道信從信得信者從向道信得果道信是名信解脫復次此人以信故於三結心得解脫是名信解脫何故名見到答曰此人以見到見以見道見到修道見以向道所攝見到果道所攝見復次此人以見故於三結心得解脫是名見到問曰如信解脫亦可言信到如見到亦可言見解脫何故一說信解脫一說見到耶答曰應說如說信解脫亦應說信到如說見到亦應說見解脫而不說者有何意耶答曰欲現種種文

故乃至廣說何故名身證答曰若信解脫若見到得滅定捨信信解脫見到名得身證名爲捨何等得何等外國法師作如是說捨名得名捨道得道捨名者捨信解脫見到名得名者得身證名捨道者捨信解脫見到道得道者得身證道罽賓沙門作如是說捨名得名者捨信解脫見到名得身證名若不得滅定得阿羅漢果名慧解脫若得滅定得阿羅漢果名俱解脫問曰如見道中有二人堅信堅法修道中有二人信解脫見到何故無學道中唯說一人耶答曰或有以世俗道離欲乃至離無所有處欲或以無漏道

若離非想非非想處欲時合爲一道故唯說一人復次或有偏行貪者或有不者若離非想非非想處欲時身中無貪同一相故唯說一人復次或有偏行癡者或有不者若離非想非非想處欲時身中無癡同一相故唯說一人偏行慢者說亦如是復次解脫等故如說如來等正覺所得解脫漏盡阿羅漢比丘所得解脫此二解脫等無差別復次以俱除三界煩惱螺髻故俱不欲未來有俱出最後關要故復有說者無學地亦說二種人一時解脫二不時解脫問曰若然者聖人則有六見道有二堅信堅法修道有二信

解脫見到無學道有二時解脫不時解脫云何施設有七人耶答曰以五事故施設七人一以方便二以根三以定四以解脫五以定以解脫以方便者是堅信堅法以根者是信解脫見到以定者是身證以解脫者是慧解脫以定以解脫者是俱解脫應說一堅信人如七人中一人以根故應說三堅信人謂上中下根以性故應說五堅信人謂退法乃至必勝進以道故應說十五堅信人謂苦法忍乃至道比忍以離欲故應說七十三堅信人欲界有具縛一有離一種欲乃至離九種欲初禪離九種欲無具縛人所以者

何離欲界欲卽是初禪具縛乃至離無所有處一種欲乃至離九種欲所依身者閻浮提有七十三瞿陀尼有七十三弗婆提有七十三四天王乃至他化自在天各有七十三若在一一身一一剎那則有無量無邊堅信人此中總說一聖堅信人堅法人說亦如是唯除以性故者所以者何彼是不動性故應說一種信解脫人如七人中一人以根故應說三以性故應說五以離欲故應說八十二欲界具縛離一種欲乃至離九種欲乃至離無所有處欲亦如是離非想非非想處一種欲乃至離八種欲及斷第九種欲時

所依身者欲界有八十二初禪有七十三第二禪有六十四第三禪有五十五第四禪有四十六空處有三十七識處有二十八無所有處有十九非想非非想處有十具縛斷八種欲及斷第九種欲時若以在身以剎那則有無量無邊信解脫此中總說一信解脫人如信解脫見到說亦如是唯除以性故者所以者何彼是不動性故應說一身證人如七人中一人以根故應說三以性故應說六以離欲故應說十非想非非想處具縛離一種欲乃至離八種欲及斷第九種欲時所依身者欲界有九色界有九無色界有

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180

九若以在身以刹那則有無量無邊此中總說一身
 證人應說一慧解脫人如七人中一人以根故應說
 三以性故應說六所依身者有三依欲界身色界身
 無色界身若以在身以刹那則有無量無邊此中總
 說一慧解脫人俱解脫亦如是堅信人於此三結幾
 成就幾不成就先作是說彼尊者以人爲章以煩惱
 爲門今欲以煩惱門明人堅信人苦比智未生於此
 三結一切成就若生二成就謂戒取疑一不成就謂
 身見餘廣說如經本乃至離色愛滅比智生欲色界
 一切不成就及無色界苦集滅所斷一切不成就餘

者成就問曰何故不說道比智耶答曰道比智若生
 名信解脫如堅信堅法亦如是所以者何此二地等
 道等離欲等所依身等定等生處等唯根有差別若
 鈍根者名堅信利根者名堅法信解脫人於此三結
 一切不成就廣說如經本如信解脫見到亦如是所
 以者何此二地等道等離欲等所依身等定等生處
 等唯根有差別若鈍根者名信解脫若利根者名見
 到身證人於此三結一切不成就餘廣說如經本此
 中應作論頗有聖人成就九十八使耶答曰有具縛
 人住苦法忍時頗有人斷八十八使不斷十使而不

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180

得果耶答曰有離色愛人得正決定滅比智時欲界三十六使斷色界三十一使無色界苦集滅諦所斷二十八使十不斷者無色界道諦所斷七使修道所斷三使彼不得果所以者何是向道故頗有九十八使斷而非阿羅漢耶答曰有離無所有處欲未離非想非非想處欲欲界三十六使斷色界三十一無色界空處識處無所有處三十一使彼非是阿羅漢所以者何凡夫人亦斷阿那含亦斷許曰不應作此論所以者何以界故立煩惱不以地故

身見於身見有幾緣問曰何故作此論答曰或有說

緣無體如譬喻者彼何故作是說耶答曰彼依佛經佛經說無明緣行無明是一相行是若干相云何一相法與若干相作緣尊者佛陀提婆說曰諸師所說緣但有名而無體爲止如是說者意亦明緣有實體若當緣無體者一切諸法亦無體所以者何一切有爲法盡是因緣次第緣除過去現在阿羅漢最後心餘過去現在一切心心數法境界緣威勢緣一切法是復次若緣無體者一切諸法無甚深義諸法若不以緣相觀察則淺近易知若以緣相觀察諸法則深過四海唯佛智能知非餘所知復次若緣無體者則

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

經

阿彌陀經卷四十三

東三

不施設有三種菩提若以上智觀於緣相名佛菩提若以中智名辟支佛菩提若以下智名聲聞菩提復次若緣無體者則無上中下覺差別若下覺者常是下覺中覺常是中覺上覺常是上覺以觀緣相故下覺可令中中可令上是故尊者瞿沙作如是說若緣無體者則師不能教授弟子使覺性增廣以緣有體故則師敎弟子下覺爲中中覺爲上本是弟子後便爲師以是事故當知緣實有體相問曰若緣實有體者譬喻者所說經云何通答曰無明體雖一相所作有若干以若干門義爲行作緣猶如一人有五種能

人雖是一而有五能彼亦如是復次所以作論者欲現一切有爲法性羸劣無自力由他不自在無所欲作故而作此論或有說有爲法自性羸劣或有說由羸劣因緣生故性羸劣如說比丘當知色是無常能生色因緣亦是無常因緣生者色云何是常以有爲法性羸劣故或有從四緣生者三緣生者二緣生者乃至無有從一緣生者何況無緣如衆多羸病人或須四人扶者或須三人或須二人乃至無有一人能扶起者何況無人而能起耶彼亦如是無自力者無有自力勢用而能生由他者若無自力名爲由他不

經

阿彌陀經卷四十三

十一

東三

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39

自在者莫令我生莫令我滅不得自在無所欲作者無有如是欲作之心誰作我我當作何欲現諸法性劣乃至無所欲作故而作此論復次所以作論者欲止於緣起法過故或謂緣起法唯無明緣行乃至生緣老死更無緣起法欲令此義決定若法從緣生卽是緣起此中應說僧伽婆修喻是故爲止他義欲顯已義乃至廣說問曰身見於身見有幾緣答曰或四三二一問曰何故彼尊者作論此中問身見於身見有幾緣答或四三二一如智犍度問法智於法智有幾緣答因次第境界威勢緣也答曰彼作經者意欲

爾乃至廣說復次爲現二門二略乃至廣說此身見於身見有幾緣答或四三二一法智於法智有幾緣亦應如是答或四三二一彼法智於法智有幾緣答因次第境界威勢此中身見於身見有幾緣亦應如是答因次第境界威勢復次此說是了義彼說是未了義乃至廣說此是實諦彼是世諦復次此中分別四種法一分別界二分別世三分別刹那四分別次第彼但分別次第身見於身見有幾緣答曰或四三二一云何四身見次第生身見卽緣前生身見前生身見與後身見作四緣謂因次第境界威勢如一身

9 10 11 12 13 14 15 16 17 18 19 180 190

見刹那後次生第二身見刹那若後生身見緣前生
 身見者前生身見與後生身見作四緣謂因次第境
 界威勢因緣者有二因謂相似因一切徧因次第緣
 者後生身見次前身見後生境界緣者後生身見卽
 緣前身見因緣者如種子法次第緣者如開導法
 境界緣者如執杖起法威勢緣者是不相障礙法後
 生身見受前身見四緣威勢故能行世能取果能有
 所作能知境界云何三答曰如身見次第生身見不
 緣前身見前身見於後身見因次第威勢無境界
 如一身見刹那次生第二身見刹那後生身見雖不

緣前生身見或緣色陰或緣受陰或緣想陰或緣識
 陰除身見或緣餘行陰前生身見與後生身見作三
 緣因次第威勢無境界因緣者有二因謂相似因一
 切徧因次第緣者後生身見次前身見後生無境界
 以不緣前身見故因緣者如種子法次第緣者如開
 導法威勢緣者是不障礙法後生身見受前身見三
 緣故能行世能取果能有所作能知緣能知境界復
 有三緣如身見次第生不相似心後還生身見卽緣
 前身見前生身見與後生身見因境界威勢無次第
 如一身見刹那後不生第二刹那身見或生邊見或

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180

經

阿彌陀經疏解卷第十一

十一

東

三

生邪見或生戒取或生見取或生疑或生愛恚慢無明或生善有漏不隱沒無記心還生身見卽緣前生身見前生身見與後生身見作三緣謂因境界威勢無次第以生不相似心故境界緣者以緣前身見故後生身見受前生身見三緣勢故能行世乃至廣說云何二如身見次第生不相似心後生身見不緣前身見前生身見於後生身見因緣威勢緣無境界緣次第緣如一身見剎那後不生第二身見剎那或生邊見乃至生善不隱沒無記心還生身見雖不緣前身見或緣色陰乃至識陰除身見亦緣餘行陰前生

身見與後生身見作二緣謂因緣威勢緣因緣者有二因謂相似因一切徧因威勢緣者不障礙故無境界緣不緣前身見故無次第緣後生身見不以前身見後生故後生身見受前身見二緣勢故能行於世廣說如上云何一後生身見於前生身見若緣者境界緣威勢緣若不緣者一威勢緣問曰何故問一緣而答二緣耶答曰諸師作論或有先避過而後答或有先答而後避過先避過而後答者如此說後生身見於前生身見若作緣是境界境界威勢若作境界威勢緣是名避過不作境界一威勢緣是名答先答

經

阿彌陀經疏解卷第十一

十一

東

三

而後避過者如一行品說若前不不斷是繫是名答若前不生生者已斷是不繫是名避過復有說者此各是答不名避過身見或有一緣或有二緣未來身見於過去現在身見若作境界境界威勢緣若不作境界一威勢緣未來現在身見於過去身見若作境界威勢緣若不作境界一威勢緣若過去身見緣未來現在身見故生未來現在身見於過去身見作二緣謂境界威勢緣若過去身見不緣未來現在身見生者未來現在身見於過去身見作一威勢緣問曰如過去身見所作已竟更無所能何故作是說

而後避過者如一行品說若前生不斷是繫是名答若前不生生者已斷是不繫是名避過復有說者此各是答不名避過身見或有一緣或有二緣未來身見於過去現在身見若作境界境界威勢緣若不作境界一威勢緣未來現在身見於過去身見若作境界威勢緣若不作境界一威勢緣若過去身見緣未來現在身見故生未來現在身見於過去身見作二緣謂境界威勢緣若過去身見不緣未來現在身見生者未來現在身見於過去身見作一威勢緣問曰如過去身見所作已竟更無所能何故作是說

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

界身見後生故威勢緣者以不相障礙故無因緣所以者何以地以界因各異故無境界緣以身見不緣他界故若色界不住身見俱心命終以欲界身見俱心令生相續者色界身見於欲界身見一威勢緣無次第緣有威勢緣如上說欲界身見於無色界身見一威勢緣無色界身見於欲界身見若作次第次第威勢緣若不作次第一威勢緣廣說如上色界身見於無色界身見一威勢緣無色界身見於色界身見若作次第有次第威勢緣若不作次第一威勢緣廣說如上如身見於身見身見於不一切偏不一切

偏於不一切偏不一切偏於一切偏不一切偏於一切偏者不於上上於下所以者何此中說他界緣一切偏是一切偏總而言之使有十種謂五見疑愛恚慢無明此十使五是一切偏五非一切偏五是一切偏者謂邪見見取戒取疑無明五非一切偏者謂身見邊見愛恚慢此文說他界緣一切偏身見邊見在不一切偏中如身見於身見如是身見於不一切偏者如身見於邊見於愛於恚於慢是名身見於不一切偏不一切偏於不一切偏者如邊見於邊見於愛於恚於慢於身見愛於愛於恚於慢於邊見於身見

9 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

經

阿彌陀經疏卷四

三

東三

患於恚於慢於愛於身見於邊見慢於慢於身見於邊見於愛於恚是名不一切徧於不一切徧不一切徧於一切徧者如身見於邪見於見取於戒取於疑惑於無明如身見邊見愛恚慢說亦如是是名不於一切徧於一切徧身見於戒取有幾緣耶答曰或四三二一云何四如身見次第生戒取卽緣身見前生身見於後生戒取因次第境界威勢緣如一身見刹那後次第生戒取刹那若後生戒取緣前身見者前身身見於後生戒取作四緣謂因次第境界威勢緣因緣者有二因謂相似因一切徧因次第緣者戒取次

身見後生故境界緣者後生戒取緣前身見故生因緣者如種子法乃至威勢緣是不相障礙法後生戒取受前身見四緣勢故能行世廣說如上云何二答曰如身見次第生戒取不緣身見前生身見於後生戒取因次第威勢緣無境界緣如一身見刹那後次第生戒取刹那戒取雖不緣身見或緣色陰乃至識陰或緣餘身見餘行陰前生身見於後生戒取有三緣無境界緣因緣者有二因謂相似因一切徧因次第緣者後生戒取次前生身見後生故威勢緣者不相障礙故無境界緣後生戒取不緣前身見故後生

經

阿彌陀經疏卷四十三

三

東

戒取受前生身見三緣勢故能行世廣說如上復有三緣二緣一緣廣說如身見欲界身見於色界戒取一威勢緣廣說如上色界身見於欲界戒取若作次第不作境界有次第威勢緣如住色界身見俱心命終欲界戒取俱心令生相續欲界戒取不緣色界身見色界身見於欲界戒取有次第威勢緣若作境界不作次第有境界威勢緣若不住色界身見俱心命終欲界戒取俱心令生相續卽緣色界身見色界身見於欲界戒取有二緣謂境界威勢緣若作次第境界威勢緣者則有次第境界威勢緣如住色界身見

俱心命終欲界戒取俱心令生相續欲界戒取卽緣色界身見色界身見於欲界戒取有三緣謂次第境界威勢緣次第緣者欲界戒取次色界身見後生境界緣者欲界戒取緣色界身見故生威勢緣者不相障礙故無因緣以界以地因各異故若不作次第緣不作境界緣一威勢緣若不住色界身見俱心命終欲界戒取俱心令生相續不緣色界身見故生色界身見於欲界戒取一威勢緣無因緣以界以地因各異故無次第緣以不次色界身見後生故無境界緣以不緣色界身見故以不相障礙故一威勢緣欲界

經

阿彌陀經疏卷四十三

三

東

身見於無色界戒取一威勢緣無色界身見於欲界
戒取廣說如上色界身見於無色界戒取廣說如上
無色界身見於色界戒取廣說如上如身見於戒取
於邪見於見取於疑於無明說亦如是是名身見於
一切徧一切徧於一切徧者如邪見於邪見於見取
於戒取於疑於無明見取於見取於戒取於疑於無
明於邪見戒取於戒取於疑於無明於邪見於見取
疑於疑於無明於邪見於見取於戒取無明於無明
於邪見於見取於戒取於疑是名一切徧於一切徧
不一切徧於一切徧者如身見於戒取於邪見於見

取於疑於無明亦如是如身見邊見愛恚慢說亦如是是名不一切徧於一切徧若問諸法攝應以入觀察若問智應以諦觀察若問識應以界觀察若問煩惱應以種觀察若如是觀察則法體相易知易見此中問煩惱應以種觀察法有五種見苦斷種乃至修道斷種見苦所斷有二種一一切徧二不一切徧見集所斷亦如是見滅所斷有二種一緣有漏二緣無漏見道所斷亦如是修道所斷非一切徧見苦所斷一切徧於見苦所斷一切徧因次第境界威勢緣因緣者有四因謂相應因共生因相似因一切徧因次

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

經

阿彌陀經疏卷第十三

大

東三

第緣者見苦所斷一切徧次第生見苦所斷一切徧
境界緣者見苦所斷一切徧卽緣見苦所斷一切徧
威勢緣者不相障礙故見苦所斷一切徧於見苦所
斷不一切徧因次第境界威勢緣因緣者有二因謂
相似因一切徧因次第緣者見苦所斷一切徧次第
生見苦所斷不一切徧境界緣者見苦所斷不一切
徧緣見苦所斷一切徧威勢緣者不相障礙故見苦
所斷一切徧於見集所斷一切徧因次第境界威勢
因緣者一因謂一切徧因次第緣者見苦所斷一切
徧次第生見集所斷一切徧境界緣者見集所斷一

切徧緣見苦所斷一切徧威勢緣者不相障礙故見
苦所斷一切徧於見集所斷不一切徧見滅所斷見
道所斷修道所斷因次第威勢緣無境界緣因緣者
一因謂一切徧因次第緣者見苦所斷一切徧次第
生彼諸使境界緣者彼諸使緣於自種不緣他種威
勢緣者不相障礙故見苦所斷不一切徧於見苦所
斷不一切徧因次第境界威勢緣因緣者有三因謂
相似因相因共生因次第緣者見苦所斷不一切
徧後次第生見苦所斷不一切徧境界緣者見苦所
斷不一切徧緣見苦所斷不一切徧威勢緣者不相

障礙故見苦所斷不一切徧於見苦所斷一切徧因
次第境界威勢緣因緣者有一因謂相似因次第緣
者見苦所斷不一切徧後次第生見苦所斷一切徧
境界緣者見苦所斷一切徧緣見苦所斷不一切徧
威勢緣者不相障礙故見苦所斷不一切徧於見集
所斷一切徧次第境界威勢緣無因緣次第緣者見
苦所斷不一切徧後次第生見集所斷一切徧境界
緣者見集所斷一切徧緣見苦所斷不一切徧威勢
緣者不相障礙故無因緣所以者何不一切徧使不
爲他種作因見苦所斷不一切徧於見集所斷不一

切徧見滅所斷見道所斷修道所斷次第威勢緣無
因緣無境界緣次第緣者見苦所斷不一切徧後次
第生彼諸使威勢緣者不相障礙故無因緣所以者
何不爲他種作因無境界緣所以者何不爲他種所
緣如見苦所斷一切徧不一切徧見集所斷一切徧
不一切徧說亦如是

阿毗曇毗婆沙論卷第四十三

音釋

商賈商戶羊切賈音古行
賣

鬻鬻落戈切
謂髮髻如螺也

罽賓

梵語也此云賤種罽居例切

螺

嘉興府楞嚴寺般若堂經坊利息助刻此
阿毘曇毘婆沙論第四十三卷以資慧智計字
八千三百個該銀三兩七錢三分五厘
天啓丁卯歲仲冬月金沙顧龍山識

阿毗曇毗婆沙論卷第四十四

迦旃延子造

北涼沙門浮陀跋摩共道泰譯

使捷度不善品第一之十

見滅所斷有漏緣使於見滅所斷有漏緣因次第境界威勢緣因緣者有三因謂相應因其生因相似因次第緣者見滅所斷有漏緣使後次第生見滅所斷有漏緣使境界緣者見滅所斷有漏緣使緣見滅所斷有漏緣使威勢緣者不相障礙故見滅所斷有漏緣使於無漏緣使因次第威勢緣無境界緣因緣者

經

阿彌陀經疏卷四

東四

有一因謂相似因次第緣者見滅所斷有漏緣使後次第生無漏緣使威勢緣者不相障礙故無境界緣所以者何彼使緣無漏使是有漏見滅所斷有漏緣使於見苦見集所斷一切偏使次第境界威勢緣無因緣次第緣者見滅所斷有漏緣使後次第生見苦見集所斷一切偏使故境界緣者見苦見集所斷一切偏使緣見滅所斷有漏緣使故威勢緣者不相障礙故無因緣者見滅所斷有漏緣使非一切偏故於見苦見集所斷不一切偏使於見道所斷修道所斷一切使有次第威勢緣次第緣者見滅所斷有漏緣使後次第生見苦見集所斷不一切偏使見道所斷修道所斷一切使故威勢緣者不相障礙故無因緣者如上所說無境界緣者彼諸使非一切偏故不緣他種見滅所斷無漏緣使於見滅所斷無漏緣使因次第威勢緣無境界緣因緣者有三因謂相應因共生因相似因次第緣者見滅所斷無漏緣使後次第生見滅所斷無漏緣使威勢緣者不相障礙故無境界緣者彼使緣無漏使是有漏故見滅所斷無漏緣使於見滅所斷有漏緣使因次第境界威勢緣因緣者有一因謂相似因次第緣者見滅所斷無漏緣使

後次第生見滅所斷有漏緣使境界緣者見滅所斷
有漏緣使緣見滅所斷無漏緣使故威勢緣者不相
障礙故於見苦見集所斷一切偏使次第境界威勢
緣無因緣次第緣者見滅所斷無漏緣使後次第生
見苦見集所斷一切偏使故境界緣者見苦見集所
斷一切偏使緣見滅所斷無漏緣使故威勢緣者不
相障礙故無因緣者見滅所斷無漏緣使非一切偏
故不緣他種於見苦見集所斷不一切偏使見道所
斷修道所斷有次第威勢緣無因緣境界緣次第緣
者見滅所斷無漏緣使後次第生見苦見集所斷不

一切偏使見道所斷修道所斷一切使威勢緣者不
相障礙故無因緣者見滅所斷無漏緣使非一切偏
故不爲他種作因無境界緣者見苦見集所斷不一
切偏使見道修道所斷一切使不緣他種故如見滅
所斷有漏緣使無漏緣使見道所斷有漏緣使無漏
緣使說亦如是修道所斷使於修道所斷使有因次
第境界威勢緣因緣因者有三因謂相應因共生因
相似因次第緣者修道所斷使後次第生修道所斷
使境界緣者修道所斷使緣修道所斷使威勢緣者
不相障礙故修道所斷使於見苦見集所斷一切偏

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

使有次第境界威勢緣無因緣次第緣者修道所斷使後次第生見苦見集所斷一切偏使境界緣者見苦見集所斷一切偏使緣修道所斷使故威勢緣者不相障礙故無因緣者修道所斷使非一切偏故不爲他種作因於見苦見集所斷不一切偏使見滅見道一切使有次第威勢緣無因緣無境界緣次第緣者修道所斷使後次第生見苦見集所斷不一切偏使見滅見道所斷一切使威勢緣者不相障礙故無因緣者修道所斷使非一切偏故不爲他種作因無境界緣者彼諸使非一切偏故不緣他種此中說一

切偏因應如雜健度智品廣說

使健度一行品第二之一

九結愛結恚結慢結無明結見結取結疑結嫉結慳
結若處所有愛結繫復有恚結繫耶若有恚結繫亦
有愛結繫耶如此章及解章義此中應廣說優婆提
舍處所有五種一自體處所二緣處所三繫處所四
因處所五屬處所自體處所者如見健度說若處所
有所知彼處所亦有所斷耶若處所有所斷彼處所
亦有所知耶此中說忍智體名處所見健度亦說若
得彼處所成就彼處所耶或有說者此中說一切法

自體名處所復有說者此中說諸法有得相成就相
者名處所緣處所者如波伽羅那說一切諸法應以
智知隨其處所云何名處所隨智所行隨智緣隨智
境界是名處所經亦說有四十四智處所有七十七
智處所阿毗曇著作如是說此中說自體處所所以
者何以忍以智觀諸有支忍智體名處所尊者瞿沙
作如是說此中說緣處所所以者何以智以忍緣於
有支故名緣處所繫處所者如此中說若處所有愛
結繫復有恚結繫耶五種法名處所所以者何五種
煩惱能繫此五種法故五種法者謂見苦所斷乃至

修道所斷因緣處所者如波伽羅那所說云何有處所法云何無處所法乃至云何有因法云何無因法有因法名有處所法無因法名無處所法如偈說

卷之二

卷之三

此中說因是處所以者何有因故有生死因斷故
生死斷屬處所者如經說應捨田舍市肆屬我之心
如偈說

不捨田財 牛馬奴婢 種種女色 不得解脫
如世人言此物屬我此處所屬我於此五種處所中

依繫處所而作論不依餘處所復有說者有五種處
所一界處所二入處所三陰處所四世處所五剎那
處所於此十處所中依繫處所而作論犢子部作如
是說處所是假名法無有定體結非假名衆生非假
名各有定體阿毗曇著作如是說處所非假名結非
假名衆生是假名譬喻者作如是說結非假名有定
體處所是假名衆生是假名無有定體問曰彼何故
說處所是假名法無有定體答曰彼作是說以於境
界中有欲無欲故猶如有一端嚴女人他人見已或
起敬心或起欲心或起恚心或起嫉心或起厭心或

起悲心或起捨心起敬心者如子見母起欲心者如多欲者見可愛色起恚心者如怨相見起嫉心者如共夫者見之起厭心者如修不淨觀者起悲心者是離欲人彼作是念如是好色不久當壞起捨心者得阿羅漢者以於境界起如是等有欲無欲心故知處所是假名法無有定體此諸煩惱通五識身及在意地通五識身者過去者繫過去處所現在者繫現在處所未來世必生法繫未來世處所必不生者繫三世處所在意地者過去者繫於三世未來者亦繫三世現在者亦繫三世依眼識生使繫於色彼相應法

經

阿彌陀經疏卷第十四

卷

東四

是相應繫彼相應法是意入法入乃至依身識生彼亦如是依意識生使繫十二入彼相應者是相應繫相應法者是意入法入如是說者是一行略毗婆沙若處所有愛結繫復有恚結繫耶答曰若有恚結繫亦爲愛結繫頗爲愛結所繫不爲恚結所繫耶答曰有色無色界法未斷愛結者在三界有五種緣有漏非一切徧恚結在欲界有五種緣有漏非一切徧若是具縛欲界五種處所爲愛結所繫亦爲恚結所繫若爲恚結所繫亦爲愛結所繫若非具縛則愛結長在三界是故得作稱後句若處所有愛結繫復有恚結繫耶答曰若有恚結繫亦有愛結繫處所者是欲界繫五種處所頗爲愛結所繫不爲恚結所繫耶答曰有色無色界愛結未斷未斷者或有八地父結未斷或有乃至非想非非想處愛結未斷彼非想非非想處或有五種愛結未斷或有乃至修道所斷者未斷彼非想非非想處修道所斷或有九種愛結未斷或有乃至下下種未斷者以總說故言色無色界繫法愛結未斷是名爲愛結所繫不爲恚結所繫所以者何色無色界無恚結故問曰何故色無色界無恚結耶答曰非其田器乃至廣說復次衆生厭患恚

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故願生色無色界若色無色界有恚結者則不爲彼處而修方便若法是下地有上地亦有者則無次第斷法若無次第斷法則無究竟斷法所以者何以次第斷法能生究竟斷法故若無究竟斷法則無解脫出離欲令無如是過故色無色界無有恚結復次若有苦根憂根則有恚結所以者何衆生以憂苦根故於他生恚色無色界無憂苦根復次若有無慙無愧處則有恚結因無慙無愧故衆生起恚色無色界無有無愧無慚如無慚無愧嫉慳男根女根搏食姪愛五蓋勝妙五欲當知亦如是復次若有怨憎相處則

有恚結怨憎相者是九惱法色無色界無有怨憎相是故尊者瞿沙作如是說衆生以怨憎故起於恚結色無色界無有怨憎復次色界有恚結近對治近對治者謂慈是也猶如毗嵐摩嵐處則無雲翳彼亦如是若處所有愛結繫復有慢結繫耶答曰如是若有所慢結繫復有愛結繫耶答曰如是所以者何此二結俱在三界有五種緣有漏非一切徧故若是具縛三界五種法爲愛結所繫亦爲慢結所繫若爲慢結所繫亦爲愛結所繫是故得作如是句若處所有愛結繫復有無明結繫耶愛結在三界有五種緣有漏非

一切徧無明結在三界有五種緣有漏無漏是一切
徧非一切徧若具縛三界五種法爲愛結所繫亦爲
無明結所繫若爲無明結所繫亦爲愛結所繫若非
具縛無明使則長於一切徧無漏緣是故得作順前
句若處所有愛結繫亦有無明結繫耶答曰若有愛
結繫則有無明結繫處所者是三界五種處所頗爲
無明結所繫不爲愛結所繫耶答曰有苦智已生集
智未生見苦所斷法見集所斷無明使未斷苦智已
生集智未生見苦所斷愛結無明結斷見集所斷無
明結緣繫見苦所斷法所以者何無明結是一切徧
故愛結不爾所以者何自種愛結已斷見集所斷愛
結於見苦所斷法不緣繫以非一切徧故非相應繫
以是他聚故若處所有愛結繫復有見結繫耶愛結
在三界有五種緣有漏非一切徧見結在三界有四
種緣有漏無漏是一切徧非一切徧若是具縛三界
五種處所爲愛結所繫亦爲見結所繫若爲見結所
繫亦爲愛結所繫若非具縛愛結則於五種中長見
結非一切徧無漏緣中長是故得作四句若處所有
愛結繫復有見結繫耶乃至廣作四句爲愛結所繫
不爲見結所繫者集智已生滅智未生見滅所斷見

經

阿彌陀論卷第十四

九

東四

道所斷見不相應法愛結未斷見滅見道所斷見不相應法何者是耶答曰卽彼邪見見取戒取愛恚慢疑無明相應法是也如是見不相應爲愛結所繫於自聚中緣繫相應繫於他聚中作緣繫非相應繫非見所以者何見是一切徧能緣五種者已斷餘不斷者於餘見不相應法不緣繫緣無漏故不相應繫以異聚故自體不與自體相應修道所斷愛結未斷或有九地愛結不斷者或有乃至非想非非想處未斷者彼非想非非想處修道所斷愛結或有九種不斷者或有乃至下下種未斷者總而言之修道所斷

法愛結未斷是名愛結所繫不爲見結所繫所以者何見結是一切徧能緣五種者已斷修道所斷無有見結滅智已生道智未生見道所斷見不相應法愛結緣未斷見道所斷見不相應法何者是耶答曰卽彼邪見見取戒取疑愛恚慢無明相應法如是等見不相應法爲愛結所繫自聚有緣繫相應繫他聚有緣繫不爲見結所繫所以者何見結是一切徧能緣五種者已斷餘不斷者於彼法不緣繫以緣無漏故不相應繫是他聚故自體不與自體相應修道所斷法愛結未斷如前說見諦具足世尊弟子愛結未斷

經

法華經疏卷十四

七

東四

廣說如上爲見結所繫非愛結者苦智已生集智未生見集所斷見結未斷苦智已生集智未生見苦所斷愛結斷見結亦斷見集所斷見結緣繫見苦所斷法爲見結所繫非愛結繫所以者何自種愛結已斷他種者於見苦所斷法不緣繫非一切偏故非相應繫是他聚故二俱繫者具縛見道所斷法修道所斷法二俱繫問曰何故名具縛耶答曰爲五處所縛亦能縛五處故言具縛能繫五處者五種斷結爲五處所縛者是五種斷法具縛見苦所斷法一種愛結繫二種見結繫見集所斷亦如是見滅所斷見相應法

一種愛結繫三種見結繫見不相應法一種愛結繫二種見結繫見道所斷亦如是修道所斷法一種愛結繫二種見結繫苦智已生集智未生見集見滅見道修道所斷法二俱繫見集所斷修道所斷一種愛結繫一種見結繫見滅所斷見相應法一種愛結繫二種見結繫見不相應法一種愛結繫一種見結繫見道所斷亦如是見苦所斷法唯爲見結所繫不說集智已生滅智未生見滅見道所斷見相應法二俱繫見滅所斷見相應法一種愛結繫一種見結繫見滅所斷見不相應法唯爲愛結

經

法華經疏卷十四

七

東四

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

所繫不爲見結所繫是故不說見道所斷亦如是修道所斷法唯爲愛結所繫不爲見結所繫是故不說二俱不繫者集智已生見苦見集所斷法二俱不繫滅智已生道智未生見苦見集滅所斷法二俱不繫見諦具足世尊弟子見道所斷法二俱不繫已離欲愛欲界繫法二俱不繫已離色無色界欲色無色界繫法二俱不繫所以者何若結斷者處所亦斷此中作是論頗見滅見道所斷見相應法爲愛結所繫不爲見結所繫非不爲見使所使耶答曰有斷六種欲者行正決定集智已生滅智未生見滅見道所斷六

種見相應法爲愛結所繫不爲見結所繫所以者何見結是一切偏緣五種者已斷緣無漏六種見已斷餘三種未斷無漏緣見於六種已斷法無緣繫緣無漏故無相應繫以他聚故未斷三種愛結於見滅見道所斷六種已斷法作緣繫彼非不爲見使所使所以者何三見作見結五見作見使爲見使中見取戒取所使故如愛結見結愛結疑結亦如是所以者何如是結在三界四種斷緣有漏無漏是偏不偏疑結亦如是若處所有愛結繫復有取結繫耶愛結在三界五種斷緣有漏非一切偏取結在三界四種斷緣

1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

有漏是一切徧非一切徧若是具縛三界五種處所愛結繫亦爲取結所繫若爲取結所繫亦爲愛結所繫若非具縛愛結則長於五種取結長於一切徧是故得作四句或爲愛結所繫不爲取結所繫乃至廣作四句爲愛結所繫不爲取結所繫者集智已生滅智未生修道所斷法愛結未斷或有九地愛結未斷或有乃至非想非非想處愛結未斷彼非想非非想處愛結或有九種未斷或有乃至下下種未斷總而言之修道所斷法愛結未斷滅智已生道智未生修道所斷法愛結未斷廣說如上見諦具足世尊弟子

修道所斷法愛結未斷是名愛結所繫非取結所繫取結能緣五種者已斷所以者何取結是一切徧能緣五種者已斷取結非修道所斷爲取結所繫不爲愛結所繫者苦智已生集智未生見苦所斷法見集所斷取結未斷苦智已生集智未生見苦所斷愛結若斷取結亦斷見集所斷取結緣繫見苦所斷是名取結所繫非愛結所繫所以者何自種愛結已斷他種愛結不作緣繫非一切徧故非相應繫以他聚故俱繫者具縛見道修道所斷法二俱繫具縛見苦所斷法爲一種愛結所繫爲二種取結所縛見集所斷

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

亦如是見滅所斷爲一種愛結所繫三種取結所繫見道所斷亦如是修道所斷一種愛結所繫二種取結所繫苦智已生集智未生見集見滅見道修道所斷法二俱繫見集所斷修道所斷法爲一種愛結所繫亦爲一種取結所繫見滅見道所斷法一種愛結繫二種取結繫見苦所斷法唯爲取結所繫不爲愛結所繫是故不說集智已生滅智未生見滅見道所斷法二俱繫見滅所斷法爲一種愛結所繫一種取結所繫見道所斷亦如是修道所斷法唯爲愛結所繫不爲取結所繫是以不說滅智已生道智未生見

道所斷法二俱繫見道所斷注爲一種愛結所繫一種取結所繫修道所斷廣說如上二俱不繫者集智已生滅智未生見苦見集所斷法二俱不繫滅智已生道智未生見苦集滅所斷法二俱不繫見諦具足世尊弟子見道所斷法二俱不繫欲愛已斷欲界繫法二俱不繫色愛已斷色界繫法二俱不繫無色愛已斷一切二俱不繫所以者何彼結若斷處所亦斷若處所有愛結繫復有嫉結繫耶愛結在三界五種斷緣有漏非一切偏嫉結在欲界修道所斷緣有漏非一切偏若是具縛欲界修道所斷法若爲愛結所

繫亦爲嫉結所繫若爲嫉結所繫亦爲愛結所繫若非具縛愛結長在三界五種斷是故得作稱後句若處所有愛結繫復有嫉結繫耶答曰若爲嫉結所繫亦爲愛結所繫修道所斷法爲一種愛結所繫一種嫉結所繫頗爲愛結所繫不爲嫉結所繫耶答曰欲界見道所斷法愛結未斷或有四種法愛結未斷或有乃至見道所斷愛結未斷色無色界繫法愛結未斷是名愛結所繫不爲嫉結所繫所以者何色無色界無嫉結無嫉結義如上說如愛結嫉結愛結慳結說亦如是如愛結門慢結門說亦如是所以者何此

二俱在三界五種斷緣有漏非一切偏若處所有恚
結繫復有慢結繫耶恚結在欲界欲界五種斷緣有
漏非一切偏慢結在三界五種斷緣有漏非一切偏
若是具縛欲界繫五種處所爲恚結所繫亦是慢結
所繫若爲慢結所繫亦爲恚結所繫若非具縛慢結
長在三界是故得作順前句若處所有恚結繫復有
慢結繫耶答曰若爲恚結所繫亦爲慢結所繫處所
者是欲界五種所斷頗爲慢結所繫不爲恚結繫耶
答曰有色無色界慢結未斷或有八地慢結未斷或
有乃至非想非非想處慢結未斷彼非想非非想處

1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

經

附錄星雲記卷十四

五

東四

或有五種斷慢結所繫或有修道所斷慢結所繫彼修道所斷慢結或有九種未斷或有乃至下下種未斷者總而言之色無色界慢結未斷是名慢結所繫不爲恚結所繫所以者何色無色界無恚結色無色界無恚結義如上說若處所有恚結繫復有無明結繫耶恚結在欲界五種所斷緣有漏非一切徧無明結在三界五種所斷緣有漏無漏是一切徧若是具縛欲界五種處所爲恚結所繫亦爲無明結所繫若爲無明結所繫亦爲恚結所繫若非具縛無明結長在三界長一切徧是故得作順前句若處所有恚結

繫復有無明結繫耶答曰若爲恚結所繫亦爲無明結所繫處所者欲界繫五種處所頗爲無明結所繫不爲恚結所繫耶答曰有苦智已生集智未生欲界見苦所斷法見集所斷無明結未斷苦智已生集智未生見苦所斷法見集所斷無明結緣繫是名爲無明結所繫不爲恚結所繫所以者何自種恚結已斷他種者於見苦所斷非緣繫非一切徧故非相應繫是他聚故色無色界繫法無明結未斷或有八地無明結未斷或有乃至非想非非想處無明結未斷彼非想非非想處或有五種未斷或有乃至修道所斷

未斷非想非非想處修道所斷或有九種未斷或有乃至下下種未斷總而言之色無色界繫無明結未斷是名無明結所繫不爲患結所繫所以者何色無色界無患結色無色界無患結義如上說若處所有患結繫復有見結繫耶患結在欲界五種斷緣有漏非一切偏見結在三界四種斷緣有漏無漏一切偏非一切偏若是具縛欲界五種斷處所有患結所繫亦爲見結所繫若爲見結所繫亦爲患結所繫若非具縛患結長在五種斷見結長在三界一切偏是故得作四句若爲患結所繫不爲見結所繫耶乃至廣

作四句爲患結所繫不爲見結所繫者未離欲愛集智已生滅智未生欲界繫見滅見道所斷見不相應法患結未斷欲界繫見滅見道所斷見不相應法何者是耶答曰卽彼邪見見取戒取愛慢疑無明相應法是也此法患結未斷自聚緣繫相應繫他聚緣繫非相應繫不爲見結所繫所以者何見結是一切偏緣五種者已斷餘不斷者於見不相應法非緣繫緣無漏故非相應繫以他聚故自體不應自體故欲界繫修道所斷法患結未斷或有九種未斷或有乃至下下種未斷者滅智已生道智未生欲界繫見道

所斷見不相應法恚結未斷欲界繫見道所斷見不相應法何者是耶答曰卽彼邪見見取戒取愛恚慢無明疑相應法是也此法恚結未斷自聚中緣繫相應繫他聚作緣繫非見結繫所以者何見結是一切徧能緣五種者已斷餘不斷者於見不相應法非緣繫緣無漏故非相應繫是他聚故自體不應自體故欲界修道所斷法恚結未斷廣說如上見諦具足世尊弟子欲界修道所斷恚結未斷廣說如上是名爲恚結所繫不爲見結所繫

阿毗曇毗婆沙論卷第四十四

音釋

搏

團以手

毗嵐摩

梵語也此

猛嵐盧舍切

云迅

嘉
府
榜嚴寺般若堂經坊利息叻刻此
阿毘曇毘婆沙論第四十四卷以資慧智計字
六千七百五十個該銀三兩零三分七厘
天啓丁卯歲仲冬月金沙顧龍山識

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

阿毗曇毗婆沙論卷第四十五

迦旃陀羅子造

北涼沙門浮陀跋摩共道泰譯

使捷度一行品第二之二

爲見結所繫不爲恚結所繫者未離欲愛苦智已生
集智未生欲界見苦所斷法見集所斷法見結未斷
苦智已生集智未生見苦所斷恚結見結已斷見集
所斷見結緣繫見苦所斷法爲見結所繫不爲恚結
所繫所以者何自種恚結已斷他種者於見苦所斷
法非緣繫非一切偏故非相應繫是他聚故色無色

界見結未斷或有八地見結未斷或有乃至非想非
非想處見結未斷彼非想非非想處或有四種斷見
結未斷或有乃至見道斷結未斷者總而言之色無
色界繫法見結未斷是名見結繫不爲恚結所繫所
以者何色無色界無有恚結廣說如上云何二俱繫
具縛欲界見道修道所斷法二俱繫具縛欲界見苦
所斷法一種恚結繫二種見結繫見集所斷法亦如
是見滅所斷見相應法爲一種恚結繫三種見結繫
見不相應法一種恚結繫二種見結繫見道所斷法
亦如是欲界繫修道所斷法一種恚結繫二種見結
繫欲愛未斷苦智已生集智未生欲界繫見集滅道
修道所斷法二俱繫見集所斷法一種恚結繫一
種見結繫見滅所斷見相應法一種恚結繫二種見結
繫見不相應法一種恚結繫一種見結繫見道所斷
法亦如是修道所斷法一種恚結繫一種見結繫欲
界見苦所斷法雖爲見結繫不爲恚結繫是故不說
集智已生滅智未生欲界繫是滅所斷見相應法二
俱繫欲界見滅所斷見相應法一種恚結繫一種見
結繫見不相應法雖爲恚結所繫不爲見結所繫是
故不說見道所斷法亦如是欲界修道所斷法雖爲

恚結所繫不爲見結所繫是故不說未離欲愛滅智已生道智未生欲界繫見道所斷見相應法二俱繫一種恚結繫一種見結繫欲界繫見道所斷見不相應法及修道所斷雖爲恚結所繫不爲見結所繫是故不說是名二俱繫不繫者集智已生滅智未生見苦見集所斷法二俱不繫色無色界見滅見道所斷見不相應法二俱不繫色無色界修道所斷法二俱不繫滅智已生道智未生欲界見苦集滅所斷法二俱不繫色無色界繫見不相應法及修道所斷法二俱不繫見諦具足世尊弟子見道所斷法二俱不繫

色無色界繫修道所斷法二俱不繫已離欲愛欲界繫法二俱不繫已離色愛色界繫法二俱不繫已離無色界愛一切不繫所以者何彼結斷故處所亦斷如恚結見結恚結疑結說亦如是所以者何此二結俱在三界四種斷緣有漏無漏是一切偏非一切偏故問曰欲界中有恚結^數不繫義可爾色無色界中無有恚結云何說言恚結不繫耶答曰不繫有二種一從繫得不繫二性不繫欲界不繫是從繫得不繫以有恚結故色無色界不繫是性不繫以無恚結故亦如毗尼中說有二人名淨脫起一未曾犯戒二雖

9 10 11 12 13 14 15 16 17 18 19

180 1 2 3 4 5 6 7 8 9

190 1 2 3 4 5 6 7 8 9

經

卷四十五

三

東五

有所犯如法除却未曾犯戒者名本淨脫起雖有所犯如法除却者名本非淨脫起得淨脫起彼亦如是若處所有患結繫復有取結繫耶患結在欲界五種斷緣有漏非一切徧取結在三界四種斷緣有漏是一切徧非一切徧若是具縛欲界繫五種處所若爲患結所繫亦爲取結所繫若爲取結所繫亦爲患結所繫若非具縛患結長在五種斷取結長在三界是一切徧是故得作四句若處所有患結復有取結繫耶乃至廣作四句爲患結所繫不爲取結所繫者未離欲愛集智已生滅智未生欲界繫修道所斷法患結未斷或有九種未斷或有乃至下下種未斷者滅智已生道智未生欲界繫修道所斷法患結未斷見諦具足世尊弟子欲愛未斷欲界繫修道所斷法患結未斷是名患結所繫不爲取結所繫所以者何取結是一切徧能緣五種者已斷修道所斷法中無有取結爲取結所繫不爲患結所繫者欲愛未斷苦智已生集智未生欲界繫見苦所斷法見集所斷取結未斷苦智已生集智未生欲界見苦所斷取結患結已斷見集所斷取結緣繫見苦所斷法爲取結所繫不爲患結所繫所以者何自種患結已斷他種者於

見苦所斷非緣繫非一切徧故非相應繫是他聚故
色無色界繫法取結未斷或有八地取結未斷或有
乃至非想非非想處者彼非想非非想處或有四種
未斷或有乃至一種未斷者總而言之色無色界繫
法取結未斷是名取結所繫不爲恚結所繫色無色
界無有恚結廣說如上俱繫者具縛欲界繫見道修
道所斷法二俱繫具縛欲界見苦所斷法一種恚結
繫二種取結繫見集所斷修道所斷說亦如是欲界
法說亦如是欲愛未斷苦智已生集智未生欲界見

集滅道修道所斷法二俱繫見集所斷修道所斷一種患結繫一種取結繫欲界見滅所斷法一種患結繫二種取結繫見道所斷法說亦如是欲界見苦所斷法雖爲取結所繫不爲患結所繫是故不說欲愛未盡集智已生滅智未生故欲界繫見滅所斷法一種患結繫一種取結繫見道所斷法說亦如是修道所斷法雖爲患結所繫不爲取結所繫是故不說欲愛未斷滅智已生道智未生欲界見道所斷法二俱繫一種患結繫一種取結繫修道所斷法如上說是名二俱繫俱不繫者廣說如經本乃至離無色界欲

經一

卷四十五

五

東五

二俱不繫所以者何若彼結斷處所亦斷若處所有
恚結繫復有嫉結繫耶恚結在欲界如上說嫉結在
欲界修道斷緣有漏非一切徧若是具縛欲界修道
所斷處所若爲恚結所繫亦爲嫉結所繫若爲嫉結
所繫亦爲恚結所繫若非具縛恚結長在五種斷是
故得作稱後句若處所有恚結繫復有嫉結繫耶答
曰若有嫉結繫亦有恚結繫處所者謂欲界修道所
斷處所也頗爲恚結所繫不爲嫉結所繫耶答曰有
欲界繫見道所斷恚結未斷或有四種斷恚結未斷
或有乃至見道所斷恚結未斷總而言之欲界繫見
道所斷法恚結未斷是名恚結所繫不爲嫉結所繫
所以者何見道所斷無嫉結故如恚結嫉結恚結慳
結說亦如是所以者何此二結俱是欲界繫修道所
斷緣有漏非一切徧故若處所有無明結繫復有見
結繫耶無明結在三界五種斷緣有漏無漏是一切
徧非一切徧見結在三界四種斷緣有漏無漏是一切
徧非一切徧若是具縛三界五種斷處所若爲無明
結所繫亦爲見結所繫若爲見結所繫亦爲無明
結所繫若非具縛無明結長在五種斷是故得作稱
後句若處所有無明結繫復有見結繫耶答曰若爲

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

見結所繫亦爲無明結所繫處所者三界五種斷處
 所頗爲無明結所繫不爲見結所繫耶答曰有集智
 已生滅智未生見滅見道所斷見不相應法無明結
 未斷見滅見道所斷見不相應法何者是也答曰卽
 彼邪見見取戒取愛恚慢疑不共無明相應法是也
 此法無明結所繫不爲見結所繫自聚中緣繫相應
 繫他聚中作緣繫非相應繫不爲見結所繫所以者
 何見結是一切徧能緣五種者已斷餘不斷者於見
 減見道所斷見不相應不緣繫緣無漏故不相應繫
 以他聚故修道所斷法無明結未斷或有九地無明

結未斷或有乃至非想非非想處無明結未斷彼非
 想非非想處或有九種無明結未斷或有乃至下下
 種未斷者總而言之修道所斷無明結未斷是名無
 明結所繫非見結所繫所以者何見結是一切徧能
 緣五種者已斷修道所斷無有見結滅智已生道智
 未生見道所斷見不相應法無明結未斷及修道所
 斷法無明結未斷廣說如上見諦具足世尊弟子修
 道所斷無明結未斷廣說如上如無明結見結無
 明結疑結說亦如是所以者何此二結俱在三界四
 種斷緣有漏無漏是一切徧非一切徧若處所有無

明結繫復有取結繫耶無明結在三界如上說取結
在三界亦如上說若是具縛三界五種斷處所如上
說若非具縛無明結長在五種斷是故得作稱後句
若處所有無明結繫復有取結繫耶答曰若爲取結
所繫亦爲無明結所繫頗爲無明結所繫不爲取結
所繫耶答曰有集智已生滅智未生修道所斷法無
明結未斷廣說如上滅智已生道智未生修道所斷
法無明結未斷如上說見諦具足世尊弟子修道所
斷法無明結未斷廣說如上若處所有無明結繫復
有嫉結繫耶無明結在三界如上說嫉結在欲界如

上說若是具縛欲界繫修道斷處所若爲無明結所
繫亦爲嫉結所繫若爲嫉結所繫亦爲無明結所繫
若非具縛無明結長在三界五種斷是故得作稱後
句若處所有無明結繫復有嫉結繫耶答曰若爲嫉
結所繫亦爲無明結所繫處所者是欲界繫修道所
斷處所頗爲無明結所繫不爲嫉結所繫耶答曰有
欲界繫見道所斷法無明結未斷或有四種無明結
未斷或有乃至見道一種未斷色無色界繫法無明
結未斷或有八地無明結未斷或有乃至非想非非
想處未斷卽彼非想非非想處或有五種無明結未

斷或有乃至修道所斷未斷彼修道所斷無明結或有九種未斷或有乃至下下種未斷者總而言道色無色界無明結未斷如無明結嫉結無明結慳結說亦如上所以者何此二結俱在欲界如上說

若處所有見結繫復有取結繫耶見結在三界如上說取結在三界亦如上說若是具縛如上說若非具縛取結長在有漏是故得作順前句若處所有見結繫復有取結繫耶答曰若爲見結所繫亦爲取結所繫處所者三界五種斷處所頗爲取結所繫不爲見結所繫耶答曰有集智已生滅智未生見滅見道所

斷見不相應法取結未斷滅智已生道智未生見道所斷見不相應法取結未斷廣說如上若處所有見結繫復有疑結繫耶見結在三界如上說疑結在三界亦如上說若是具縛三界五種斷處所若爲見結所繫亦爲疑結所繫若爲疑結所繫亦爲見結所繫若非具縛各各長在自聚中是故得作自根本四句若處所爲見結所繫復爲疑結所繫耶乃至廣作四句爲見結所繫不爲疑結所繫者集智已生滅智未生見滅見道所斷見相應法見結未斷滅智已生道智未生見道所斷見相應法見結未斷滅智已生道

1 2

3 4

5 6

7 8

9 180

1 2

3 4

5 6

7 8

9 180

1 2

3 4

5 6

7 8

9 180

1 2

繩五

內四言是法第卷第廿四

九

繩五

繫非疑結所繫所以者何疑結是一切徧能緣五種者已斷餘不斷者於見相應法非緣繫緣無漏故非相應繫以他聚故爲疑結所繫不爲見結所繫者集智已生滅智未生見滅見道所斷疑相應法疑結未斷是名疑結所繫不爲見結所繫所以者何見結是一切徧能緣五種者已斷餘不斷者於疑相應法不緣繫緣無漏故非相應繫以他聚故俱繫者具縛見道修道所斷法二俱繫具縛見苦所斷法二種見結繫二種疑結繫見集所斷修道所斷法亦如是見滅

所斷見相應法三種見結繫二種疑結繫疑相應法三種疑結繫二種見結繫見結疑結不相應法二種疑結繫二種見結繫見道所斷亦如是苦智已生集智未生見集見滅見道修道所斷法二俱繫苦智已生集智未生見苦集滅道修道所斷法二俱所繫見苦所斷法一種見結繫一種疑結繫見集所斷修道所斷亦如是見滅所斷見相應法二種見結繫一種疑結繫疑相應法二種疑結繫一種見結繫見結疑結不相應法一種見結繫一種疑結繫見道所斷法亦如是二俱不繫者廣說如經本乃至離無色界欲

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

經

阿彌陀經疏解卷第十四

十一

東五

二俱不繫所以者何彼結若斷處所亦斷若處所有見結繫復有嫉結繫耶見結在三界如上說嫉結在欲界廣說如上若是具縛欲界修道所斷法若爲見結所繫亦爲嫉結所繫若爲嫉結所繫亦爲見結所繫若非具縛見結長在三界四種斷嫉結長在修道所斷是故得作四句若處所爲見結所繫復爲嫉結所繫耶乃至廣作四句爲見結所繫不爲嫉結所繫者欲界繫見道所斷法見結未斷或有四種未斷或有乃至見道見結未斷色無色界繫法見結未斷彼有八地見結未斷或有乃至非想非非想處未斷彼

非想非非想處或有四種未斷或有乃至見道見結未斷是名爲見結所繫不爲嫉結所繫爲嫉結所繫非見結所繫者欲愛未斷集智已生滅智未生欲界繫修道所斷法嫉結未斷乃至見諦具足世尊弟子欲愛未斷欲界繫修道所斷法嫉結未斷是名爲嫉結所繫不爲見結所繫俱繫者具縛入欲界繫修道所斷法二俱繫具縛人欲界繫修道所斷法二俱繫二種見結繫未離欲苦智已生集智未生欲界繫修道所斷法二俱繫一種見結繫一種嫉結繫俱不繫者廣說如經本乃至離無色界愛二俱不繫如

經

十一

東五

見結嫉結見結慳結亦如是如見結門疑結門亦如是若處所有取結繫復有疑結繫耶廣說應如見結取結取結疑結亦如是若處所有取結繫復有嫉結繫耶廣說如經本如取結嫉結取結慳結說亦如是若處所有嫉結繫復有慳結繫耶答曰如是所以者何此俱在欲界修道所斷俱緣有漏俱非一切偏問曰如嫉因他生慳因自起何故答言如是耶答曰嫉緣他亦因他生緣已不因已生慳緣已亦因已生緣他不因他生復有說者此二法緣他亦因他生緣已亦因已生問曰如嫉緣他亦因他生可爾因已亦緣

已生云何可爾耶答曰猶如有人爲二比丘作資生物一則成好二不成好不成好者便作是念如我所作或不好使彼所作亦不成好問曰如慳緣已亦因已生可爾緣他亦因他生云何可爾耶答曰慳亦有因他生猶如有人見他布施便生慳心此人何以施他如是物耶是故此二亦緣自他生因自他生若處所有過去愛結繫復有未來愛結繫耶乃至廣說有總相煩惱者謂無明結見結取結疑結別相煩惱繫三界五種處所在未來世者能繫二世過去不定若

經

卷之三

十一

東五

前生不斷則繫若前不生生者已斷則不繫現在亦
不定若現在前則繫若不現在前則不繫愛結繫三
界五種處所未來愛結繫三界五種三世處所過去
不定若前生不斷則繫若前不生生者已斷則不繫
現在亦不定若現在前則繫若不現在前則不繫如
愛結慢結說亦如是恚結繫欲界五種斷三世處所
未來恚結繫欲界五種斷三世處所過去不定若前
生不斷則繫若前不生生者已斷則不繫現在不定
若現在前則繫若不現在前則不繫恚結繫欲界修
道所斷法三世處所未來恚結繫欲界繫三世修道
所斷處所過去不定若前生不斷則繫若前不生生
者已斷則不繫現在亦不定若現在前則繫若不現
在前則不繫如嫉結慳結說亦如是總相煩惱繫三
界五種斷處所過去總相煩惱繫三界五種斷三世
處所未來現在說亦如是此說是歷六小七大七略
毗婆沙若處所有過去愛結繫復有未來愛結繫耶
答曰如是所以者何先作是說未來愛結繫三世處
所設有未來愛結繫復有過去愛結繫耶答曰若前
生不斷則繫若前不生生者已斷則不繫問曰若過
去愛結斷時卽彼時未來愛結亦斷何故未來世定

經

正法華經疏卷四十五

三

東五

過去不定而作是說若前生不斷則繫若前不生生者已斷則不繫耶外國法師作如是說若說前生不斷則繫是說中結若前不生是說下結生者已斷是說上結罽賓沙門復作是說若說前生不斷則繫是說三種結若說前不生是說下結若說生者已斷是說中結上結如過去上中愛結斷未來亦爾不生下愛結未來世繫處所有未來愛結繫即彼處所過去前生愛結不斷則繫若前不生生者於餘處所生者前不生若於餘處所生即彼處所生生者已斷則不繫若處所有過去愛結繫復有現在愛結繫耶答曰

現在若現在前若不起愛結若起餘結現在前若起善不隱沒無記心現在前若無心是故說爲現在前設有現在愛結繫復有過去愛結繫耶答曰若前生不斷則繫若前不生生者已斷則不繫若處所有未來愛結繫復有現在愛結繫耶答曰若現在前廣說如上設有現在愛結繫復有未來愛結繫耶答曰如是所以者何先作是說未來愛結繫三世法若處所有過去愛結繫復有未來現在愛結繫耶答曰未來則繫現在若現在前廣說如上設有未來現在愛結繫復有過去耶答曰若前生不斷則繫若前不生生

經

阿彌陀經疏解卷第十五

東五

者已斷則不繫前生不斷則繫者若處所有未來現在愛結繫卽彼處所亦有過去前生愛結者則繫若未來現在愛結處所異過去已生愛結處所異則不繫若前不生卽於彼處所生者已斷則不繫若處所有未來愛結繫復有過去現在愛結繫耶答曰或有未來愛結繫無過去現在或有過去無現在或有現在無過去或有過去現在有未來愛結繫無過去現在者若處所愛結未斷則明未來有愛結繫若前不生生者已斷則明過去無愛結繫若不現在前則明現在無愛結繫有過去無現在者若處所前生愛結

未斷則明有過去愛結繫不現在前則明現在無愛結繫若有現在無過去者若有過去愛結繫則有未來愛結繫有現在無過去者若處所愛結現在前則明現在有愛結繫若前不生生者已斷則明過去無愛結繫若現在愛結繫則有未來愛結繫有過去現在者若處所有前生愛結繫則明有過去愛結繫若處所愛結現在前則明有現在愛結繫若過去現在有愛結繫未來必有若處所有現在愛結繫復有過去未來愛結繫耶答曰未來則繫過去若前生不斷則繫若前不生生者已斷則不繫設有過去未來愛

經

阿彌陀經疏解卷第十五

東五

經

阿彌陀經疏卷四十五

五

東五

結繫復有現在愛結繫耶答曰若現在前廣說如上諸別相煩惱此中略說如愛結作六句恚結慢結嫉結慳結非一切徧無明結作六句亦如是若處所有過去見結繫復有未來見結繫耶答曰如是若是若有未來見結繫復有過去見結繫耶答曰如是所以者何先作是說諸總相煩惱盡繫三世法未來現在盡緣三世廣說如經本見結作六句諸總相煩惱此中略說如見結作六句取結疑結是一切徧無明結作六句亦如是若處所有過去愛結繫復有過去恚結繫耶答曰若前生不斷則繫若前不生生者已斷則不

繫若前生不斷則繫者若處所有過去愛結繫即彼處所有過去前生恚結繫若前不生若於餘處生若生者已斷則不繫設有過去恚結繫復有過去愛結繫耶答曰若前生不斷則繫若前不生生者已斷則不繫若前生不斷則繫者若處所有過去恚結繫即彼處所有過去前生愛結繫若前不生若於餘處生若生者已斷則不繫若處所有過去愛結繫復有未來恚結繫耶答曰若不斷云何不斷耶答曰未離欲愛設有未來恚結繫復有過去愛結繫耶答曰若前生不斷則繫若前不生生者已斷則不繫若前生不

斷則繫者若處所有未來恚結繫卽彼處所亦有過去前生愛結繫若前不生若於餘處生若生者已斷則不繫若處所有過去愛結繫復有現在恚結繫耶答曰若現在前云何現在前答曰若不起餘結不起善有漏不隱沒無記心若非無心是名現在前設有現在恚結繫復有過去愛結繫耶答曰若前生不斷則繫若前不生生者已斷則不繫廣說如上若處所有過去愛結繫復有過去現在恚結繫耶答曰或有過去愛結繫無過去現在恚結繫或有過去無現在或有現在無過去或有過去現在有過去愛結繫無過去現在恚結繫者若處所有前生愛結不斷則繫是明有過去愛結繫卽彼處所不生前生恚結生者已斷則不繫是明無過去恚結繫不現在前則明無現在恚結繫或有過去無現在者若處所前生恚結愛結不斷則繫是明有過去恚結愛結繫無現在則明無現在恚結繫或有現在無過去者若處所前生過去愛結不斷則繫是明有過去愛結繫卽彼處所恚結現在前則明有現在恚結繫若前不生生者已斷則明無過去恚結繫或有過去現在者若處所有過去前生愛結恚結不斷則繫則明有過去愛結恚

結繫卽彼處所恚結現在前則明有現在恚結繫設
有過去現在恚結繫復有過去愛結繫耶答曰若前
生不斷則繫若前不生生者已斷則不繫廣說如上
若處所有過去愛結繫復有未來現在恚結繫耶答
曰餘廣說如經本作七句亦如經本如愛結恚結愛
結嫉結愛結慳結說亦如是此中差別者應說欲界
繫見道所斷法前生愛結不斷則繫愛結慢結愛結
無明結廣說如經本若處所有過去愛結繫復有過
去見結繫耶答曰若不斷云何不斷答曰若道比智
未生設有過去見結繫復有過去愛結繫耶答曰若
前生不斷則繫廣說如上若處所有過去愛結繫復
有未來見結繫耶答曰若不斷云何不斷答曰道比
智未生設有未來見結繫復有過去愛結繫耶答曰
廣說如經本作七句亦如經本如愛結見結作七句
愛結取結愛結疑結作七句說亦如是過去愛結過
去恚結問過去慢結應作七句或有說者七句中初
句應作七句所以者何此中問七七句答曰七七句
故如先以過去愛結恚結問過去慢結次問未來慢
結次問現在次問過去現在次問未來現在次問過
去未來次問過去未來現在慢結亦應如是說先以

過去愛恚問未來慢作初句次問現在次問過去現在次問未來現在次問過去未來次問過去未來現在次問過去作最後句復以過去愛恚問現在慢作初句次問過去現在次問未來現在次問過去未來次問過去未來現在次問過去次問未來作最後句乃至過去愛恚問過去未來現在慢作初句乃至過去愛恚問過去未來慢作最後句若作是說則有七句若作是說則唐捐其功於文無益於義無益亦不成七七句若欲於文有益於不外小成七七句者應作是說如先以過去愛恚過去慢作初句乃

至以過去愛恚問過去未來現在慢作最後句應以未來愛恚問未來慢作初句次問現在次問過去現在次問未來現在次問過去未來次問過去未來現在次問過去作最後句復次現在愛恚問現在慢作初句次問過去現在次問未來現在次問過去未來次問過去未來現在次問過去次問未來作最後句乃至以過去未來現在愛恚問過去未來現在慢作初句乃至以過去未來現在愛恚問過去未來現在慢作最後句若作是說則於文義有益七七句成如惡問慢作七七句愛恚問無明亦如是乃至問慳

作七七句亦如是置愛結以恚結慢結問無明結作七七句乃至問慳結作七七句亦如是置恚以慢無明問見結作七七句乃至問慳結作七七句亦如是乃至最後取結以疑結嫉結問慳結作七七句亦如是如以二結問一結作七七句以三以四以五以六以七以八問一結作七七句亦如是問曰一行歷六小七大七有何差別答曰名卽差別復次以一行法作問名一行以六句作問名歷六以七句作問名小七以二結問一結乃至以八結問一結名大七復次問不相似法不以世定名一行問相似法以世定

名歷六問不相似法以世定名小七以二法問一法乃至以八法問一法以世定名大七一行歷六小七大是名差別

阿毗曇毗婆沙論卷第四十五



嘉興府楞嚴寺般若堂經坊利息助刻此
阿毘曇婆沙論第四十五卷以資慧智計字
七千六百八十個該銀三兩四錢五分六厘
天啓丁卯歲仲冬月金沙顧龍山識

小下六首
研里骨里
毫發卷
息

ツ
丸
九

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200